

رواية ما بين الحب والحرب كاملة



لتحميل المزيد من الروايات زوروا موقعنا

ايجي فور تريندس

او يمكنكم زيارة الموقع مباشرة من خلال

الروابط التالية

www.egy4trends.blogspot.com

www.egy4trends.com

لم أكن لأتخيل يوماً أن بلوغي لعامى الـ ١٩
سوف يقلب حياتي رأساً على عقب.. كانت
مفاجأة كبيرة جداً عندما علمت أن ذلك
المغرور سيكون زوجي...

عندما رأيته لأول مره لم يكن اللقاء جيداً أبداً
فلقد كانت جريئة بحديثها معي لم أكن
أعلم أن هناك فتاة تقف وعينيها في عيني
بكل ثقته وكانت المفاجأة الكبرى... أدركت
أنني عدت من بريطانيا لأتحمل تلك
المصائب التي تنتظرنى...

"بالعامية المصرية"

نبذه عن الرواية..الشخصيات

تحدث الرواية عن عائلة كبيرة في القاهرة
وهي من أغلى العائلات المصرية.. بسبب
تنافس الشركات تحدث بعض المشكلات

وقد تؤدي أحياناً إلى القتل..وفي ظل ذلك
الصراع يعود الإبن الأصغر للعائلة بعد أن
أنهى دراسته لكي يتزوج زوجاً مدبراً أو كما
سنسميه في روايتنا زواج إجبار نتج عن
إتفاق...+

#الشخصيات:

● طارق عمر الدين..

هو شاب في ال ٢٣ من العمر تخرج من كلية
الهندسه قسم الكهرباء..لديه نظرة عامة على
إدارة الأعمال نتيجة للدروس الصيفيه التي
كان يتلقاها في الإجازات الصيفيه بجانب
التدرب لأجل كليته بإختصار كان كل
اهتمامه موجه نحو الدراسه فقط..هو شاب
ذو بشرة بيضاء نسبياً يتميز بعيون بنية
وشعر أسود إلى حد ما..كان طوال حياته فتى
وسيم يجذب أنظار الحاضرين...+

● ملك محمد سليم:

فتاة في الـ١٨ من عمرها... يحدث لها أمر
 مفاجئ في عيد ميلادها الـ١٩.. فتاة مرحة
 ومبتهجة لاتحمل للحياة همماً تظن أن حياتها
 قاصرة فقط على الخروج مع أصدقائها
 والمرح ولاتدري أن الحياة لا تتوقف على
 شئ معين... هي فتاة جميله جدا وكانت
 محط أنظار كل الشباب ولكنها لاتعطي
 أهمية لأحد... تتميز ببشرة بيضاء وعيون تصل
 للحد الأعلى من غمق العيون متقاربه للون
 الاسود.. ذات شعر حريري أسود يتدلى منه
 بعض الخصلات الصفراء... وهي فتاة
 مسترجلة إلى حد ما...+

دي مبدئيا الشخثيات..بتمنى تقولوا
رأيكم..انا إن شاء الله هبدأ فيها بعد أما
أخلص عشقتك حد الألم..+□

واصل قراءة الجزء التالي

الفصل الأول:"اتفاق"

^في العاصمة البريطانية لندن^

في أحد المنازل يجلس شاب في الثالثة
والعشرين من عمره على مكتبه ويقراً أحد
الكتب..ثم يرن هاتفه+

طارق:يووو..

ثم يتنهد ليجيب على والدته السيده"هند

عبد الرحمن"

طارق:ألو

هند:ايوا يا طارق يابني برن عليك يا بني من
الصبح مبتردش عليا ليه؟وجعت لي قلبي

طارق:معلش يا ماما بقا كنت مشغول
وعامله صامت ومسمعتوش

هند:ولما انت شفت مكالماتي متصلتش
ليه؟

طارق:خلاص بقا يا ماما لو سمحتي
هند:انت لسه زعلان من ابوك يابني

طارق:وهيأثر يعني سواء زعلت ولا لاء؟

هند:يا طارق يابني دا كان اتفاق ومينفعش
تنزل كلمة ابوك

طارق بانفعال:وهوا عشان ينفذ اتفاقه انا
اللي اتدبس؟

..ثم تدارك أنه قد أعلى صوته على والدته..

طارق:أنا آسف يا أمي صوتي على مره واحده

هند:خلاص يا بني..بس يا بني انت ليه

بتبص للموضوع بشكل اتفاق مبصتتش ليه

ان دي سنة الحياة

طارق:وهيا سنة الحياة يا ماما اني اتجوز

واحده عمري ماشفتها ولا اعرفها حتى..ثم

ازاي هيا اصلا وافقت على الموضوع دا

هند:زي ما انت وافقت هيا وافقت

طارق:انا وافقت امتا؟امال لو مكنش ابويا

اللي مدبسنى وهيعملى "زواج إجبار"

هند:ههههههههه...طب طول بالك انت لسه

مشفتهاش

طارق:اهي باين انها بتاع فلوس وبس

هند بصرامه: طارق اتكلم عدل عن البنات انت
ناسي انها هتبقا مراتك؟

طارق: حاضر يا ماما آسف.. هيا كان اسمها ايه
صحيح؟ اصلي بنسى الحاجات المش مهمه

هند: كان اسمها ملك

طارق: ملك قولتي لي

هند: طب يلا مع السلامه عشان شكلي
عطلتك خود بالك من نفسك يا بني.. احنا
هنوضب لك اوضتك على ماتيجي جاي يوم
الاحد.. مع السلامه

طارق: الله يسلمك يا أمي

#بعد انتهاء المكالمه:

تنهد طارق واسند ظهره على الكرسي
واغمض عينيه

← فلاش باك →

منذ شهرين تقريباً..عندما كان طارق عند
أهله في القاهره

عمر الدين(والد طارق):طارق... يا أم أحمد
تعالوا هنا عاوزكم

هند:خير في حاجه؟

طارق:ايوا يا بابا

عمر:أحمد لسه مجاش ولا ايه

ريم(زوجة أحمد):هوا نايم فوق يا بابا اروح
اصحيه

عمر:ياريت يا بنتي

#ثم جاء أحمد(الابن الأكبر في عائلة عمر
الدين):

أحمد:خير يا بابا ايه سبب اللمه الفجائية دي

عمر:خير يا بني إن شاء الله..طبعاً كلكم
فاكرين صاحبي محمد سليم

أحمد:ايوا اكيده مش دا الشريك الجديد بتاع
الشهر اللي فات؟اللي مضى معنا بسبب
اتفاق ما بينكم

عمر:ايوا هوا بالظبط..اهوا بقا موضوع
النهارده عن الاتفاق دا

ريم:ايه هوا بقا يا بابا الاتفاق دا

عمر:أنا كنت طلبت أيد بنته ملك لطارق

طارق وهو يقف:نعم؟ازاي يعني؟

عمر:تقعد وانا بكلمك وصوتك يوطى

طارق:حاضر يا بابا بس ازاي كدا وانا معرفش

عمر: طارق انا مباحدش اذن حد وانا بعمل

اي حاجه

طارق: بس يا بابا..

هند: اسكت انت يا طارق... ممكن تقولنا بقا يا

ابو احمد الاتفاق دا بالظبط

عمر: هقولك... من ٣٠ سنه كان في مشاكل

بين شركتنا اللي هيا كانت شركة أبويا الله

يرحمه الحاج حسين وبين شركة محمد

سليم اللي كانت في الاصل بتاع عمه نجيب

سليم والصراع والمشاكل دي كانت كبيره

اوي... المهم لما انا دخلت الجامعه صاحبت

محمد ومكناش نعرف حاجه عن العيلتين

والمشاكل دي لحد ما في يوم قرأت الأخبار في

الجرايد ووريتها لمحمد وساعتها اتفقنا اننا

لما نكبر هنحاول نفض الخلافات دي... بأن

يبقا في نسب بين العيلتين... ابويا لما عرف

علاقتي بمحمد سفرني برا اكمل دراسة ادارة
الاعمال وامسك اعماله برا..ساعتها محمد
فكرا اني عملت كدا عشان ابعد عنه...وعدت
السنين لحد ما رجعت واتجوزت وخلفتكم
ومن ٥ شهور قابلت محمد تاني وحكيت له
على الموضوع..وروحت عندهم البيت
وشفت بنته وبصراحه عجبتي وكلمته عنها
وحصل شوية حجات كدا مش مهم تعرفوها
دلوقتي+

طارق:يا سلام يعني كل دا حصل من غير ما
اخود بالي..بابا انا مش موافق

عمر:يعني ايه مش موافق احنا هنلعب؟

طارق:ما هوا مش سعادتك تتفق وانا اللي
اتدبس في الموضوع

عمر:طارق اتكلم عدل

هند:اطلع فوق يا طارق دلوقتي

طارق:عن اذنكم

هند:أحمد خود مراتك واطلعوا فوق

أحمد:يلا يا ريم

#بعد رحيل أحمد و ريم

هند:كدا بردك يا أبو أحمد تغصب الواد على

الجواز

عمر:يا هند ما انتي متعرفيش ايه اللي

هيحصل لو ابنك ما اتجوزش

هند:ايه يا حاج اللي انت شايفه وانا مش

شيفاه؟

عمر:ابنك عايش في بلد اجنبيه وانا عارف انه

محترم بس اللي هيضللوه كتير وبعدين لو

ما اتجوزش مش هضمن انه يرجع يعيش في

مصر تاني

هند:اللي تشوفو يا حاج..انا هقوم اشوفه

#يدق باب غرفة طارق

طارق:اتفضل

هند:ومالك بتقولها ممرض كدا ليه

طارق:لا مفيش يا ماما غير اني هتجوز واحده

لا اعرفها ولا تعرفني

هند:يا بني دا جواز ودي سنة الحياة

متعملش كدا

طارق:حاضر يا ماما مش انتم عايذني اتجوز

عشان ما اوقعش كلمة بابا؟ انا موافق...بس

لحد يوم الفرح انا مسافر

هند:هتسافر؟

طارق:ايوا يا ماما

←باك→

#أفاق طارق من ذكرياته واعتدل

طارق:اوووف..ماشي يا ست ملك اما نشوف

هتستحملي عيشتي ولا هخليك تطلبي

الطلاق في خلال ٣ ايام!!

رأيكم يهمنى +++

واصل قراءة الجزء التالي

الفصل الثاني:"عودة وغموض"

#بعد أن أنهت هند المكالمة اتجهت إلى

الصالون حيث يتواجد الحاج عمر وزوجة ابنه

ريم

عمر:ها يا هند عامل ايه

هند:اهو كويس بس شكله لسه زعلان

عمر بتنهيده:بكرا يعرف ان دا لمصلحته

عشان يستقر شويا

هند:يعني مش شايف اننا اتسرعنا؟دا الفرح

التلات اللي جاي

عمر:نتسرع ايه أمال أنا كنت بخرجه من

الجيش في خلال ٦ شهور ليه مش عشان

يشوف مصلحته؟

هند:بس بصراحه البنت حلوه اوي..مش كدا

يا ريم؟

ريم:ايوا فعلا ماشاء الله حاجه كدا تدخل

على القلب من غير استئذان...بس يا ماما

مش كان المفروض نعمل خطوبه لها

ولطارق بدل ما احنا اللي نلبس لها الدبله
والشبكة

هند:دماغ طارق بقا يا بنتي

ريم:عارفه يا ماما ايه أحلى حاجه في

الموضوع دا

هند:ايه؟

ريم:اني مش هطبخ لوحدي تاني.هههههههههه

هند:هههههههههه..طب كا انا بساعدك يا بنتي

عمر:لا لا نقول اللي لينا واللي علينا...انت يا

أم أحمد مبتعمليش غير السلطه..هههههههه

هند:ههههههههههه..ماشي يا أبو أحمد+

#في مكان آخر..وتحديداً في فيلا محمد سليم

دعاء(أخت ملك الكبرى):يا ملك اصحي بقا

يا بنتي الساعه بقت ٩:٣٠

ملك وهي تائهة في النوم:اوووف سيبيني

شويه كمان الله يخليك

دعاء:هوا في واحده طبيعيه فرحها بعد ٤ أيام

تقضي كل الوقت في النوم

ملك:يقطع الجواز وسنينه..سيبيني بقا

رحمه(والدة ملك):أختك صحيت يا دعاء؟

دعاء:لا يا ماما مش راضيه

#ثم جاءت رحمه إلي الي الغرفة

رحمه:ملك فوقي يلا يا إما هشدك من

شعرك

ملك:حاضر خلاص قمت

دعاء:ايوا كدا نخوفها بالغالي بتاعها

ملك:طبعاً هوا انا عندي اغلى من شعري

دعاء:طب قومي بقا خودي شاور كدا عشان

نشوف مشاوير فرحك دا

ملك بتقليد سخيف لأختها:مشاوير فرحك دا

رحمه:يخربيتك هههههههههههههه

دعاء:بتقلسوا عليا؟انا غلطانه اصلا...انا راحه

اكلم حسام لأنه هيركب الطائرة النهارده

ملك:ابقي سلمي لي على سيمو هههههههههههههه

دعاء:يا ظريفه

#بعد ذهاب دعاء

رحمه:يلا يا حبيبيتي عشان تجهزي وننزل

نشوف هنجيب ايه عشان الفرح

ملك بتنهيده:حاضر

رحمه:لسا واخده في وشك؟!

ملك:يا ماما دا خاطبني بقاله شهرين
مرفعش حتى سماعه تليفونه يكلمني دا
رقمه حتى مش معاه ولا رقمي
معاه...وبعدين انتي عارفه ان الجوازة دي انا
وافقت عليها عشان صحة بابا متتاثرش
بالزعل..دا انا حتى مشفتوش غير في صورة
يعني لو قابلته في الطريق مش هعرفه
رحمه:ربنا يسهلك يا بنتي متعقديهاش بقا

ملك:حاضر يا ماما

#ثم دخلت ملك إلى الحمام وأثناء الاستحمام

← فلاش باك →

في عيد ميلاد ملك ال١٩..كانت سعيده للغاية

حتى انتهاء العيد ميلاد وقام والدها با

ستداعائها في المكتب ليعرض عليها الزواج

من طارق عمر الدين ٢

ملك: لا طبعاً مش موافقه

محمد: ليه يا بنتي؟

ملك: انا معرفوش.. ومقدرش اتجوز على

اساس اتفاق

محمد: يا بنتي دول ناس كويسين صدقيني

ملك وهي تهم بالرحيل: آسفه يا بابا لكن لا

مش متجوزه

محمد بانفعال: يعني ايه يعني؟ هتمشي

كلامك عليا؟ ولا انتي عاوزه تفضلي طول

حياتك كذا كل الي في دماغك نفسك

وخلاص لا عايزه تشيلي مسئوليه ولا اي

حاجه

ملك: طب اهدى يا بابا طيب

محمد وهو يفقد الوعي: اوعي

ملك:يا ماما الحقيني بسرعه

رحمه:محمد قوم مالك؟..ملك اتصلي

بالإسعاف

#في المستشفى

رحمه:خير يا دكتور؟طمني

الطبيب:هوا كان عنده مشاكل في القلب؟

رحمه:ايوا بس عمل عمليه وخف

الطبيب:تمام..دا حصل نتيجة الانفعال الزايد

خصوصا انه كبر في السن وكان مريض كمان

مش هوصيكم غير انكم تبعدوا عنه الانفعال

والزعل

رحمه:ح..حاضر...شكرا لحضرتك

الطبيب:العفو يا مدام...عن إذنكم

←باك→

ملك لنفسها: صبرني يارب

#مكالمة بين مجهولين

مجهول ١: يااااه...يعني أخيرا هنبداً بخطتنا

الكبيره دي

مجهول ٢: ما خلاص البيه الصغير هيرجع

مجهول ١: خلاص هنتمم العمليه علي يوم....

مجهول ٢: المهم انت ضامن ان رجلينا مش

هتتشد في العمليه دي

مجهول ١: ايوا ضامن انت مفكرني مين دا انا

محدث يقدر يوصلي بالساهل

مجهول ٢: اتفقنا..هجهز الرجاله

#يوم عودة طارق

هند:ألف حمد لله على سلامتک یابنی

طارق:الله یسلمک یا ماما

عمر:ازیک یا طارق..حمد لله علی سلامتک

طارق:الله یسلمک یابابا

أحمد:والله وكبرت وهتجوز یا برنس

طارق:ههههه حبیبی

ریم:حمدا لله علی سلامتک یا طارق

طارق:الله یسلمک یا مرات اخویا...امال فین

حازم؟

أحمد:فی المدرسه والسواق راح یجیبه

طارق:وحشني حبيب عمه

عمر:طارق جهز نفسك عشان كتب کتابک

علی ملک هيبقا النهارده بالليل زي ما اتفقنا

طارق بتنهيده:حاضر يا بابا+

واصل قراءة الجزء التالي

الفصل الثالث:"اللقاء الأول"

سلمى(الصديقه المقربه لملك وابنة عمها

المتوفى):يوووو العربيه ووقفت

ملك:لا حول ولا قوة الا بالله...يا بنتي الناس

هيجوا البيت كمان ساعتين

سلمى:وأنا اعمل لك ايه يعني..هيا سخنت

ووقفت

ملك:والحل ايه بقا دلوقتي؟هنفضل قاعدين

هنا والناس يروحوا هناك وتبقا فضيحه فعلا

بقا

سلمى:اتنيلي جاتك خيبه راحه دخلاي

هندسه لا وايه مهنش عليك تدخلي قسم

ميكانىكا حتى كان زمان ليك فايده في وقت
زي دا..لكن راحه دخلاي عماره

ملك:حاضر يا قلبي كنت هدخل قسم
ميكانىكا عشان لما اتخرج افتح ورشه..ابوس
رجلك بطلى يا اللي هتبقي دكتور

سلمى بفخر:كلية صيدله يماما..يعني بناتها
بنات كلهم رقه وحلاوه

ملك:تصدقني بالله انل عمري ما هدخل
صيدليه انتي فتحاها لتديني حاجه تموتني
سلمى:طب نبطل رغي في الموقف اللي احنا
فيه بقا

ملك:ما هوا مفيش شبكه خالص في الحته
المقطوعه دي..ياربي

سلمى:الساعه بقت ٥:٣٠

ملك: يلهو ااي يفضحتك يا ملك.. دا الطريق

من هنا لبيتنا في الزروف العاديه بياخذ

ساعتين.. مابالك بقا واحنا في الموقف دا

سلمى: بت يا ملك انزلي كدا من فوق العربيه

في عربيه معديه اهي.. يلا نشاور لها

ملك: سلمى دي عربيه بصندوق

سلمى: هوا اتني لاقيه

ملك: ياغبيه فهمتى غلط.. قصدي ان احنا

هنركب في الصندوق وناخذ سيلفى وتبقا

risk جديده علينا

سلمى: صبرتي يارب.. لو سمحت لو سمحت

السائق: ايوا في حاجه حضرتك؟

سلمى:+

#عند الساعه ال ٦:٣٠

■ في فيلا عمر الدين:+

هند:ريم روحي شوفي طارق كدا يا بنتي أنا
مش قادره اطلع السلم

ريم:حاضر يا ماما

#ثم تدق ريم غرفة طارق

حازم:ادخل

ريم:ايه دا حازم انت هنا يماما

حازم:بجهز عمو العريس

طارق:هههههههههههه..عمو العريس

ريم:طب انزل يلا عند بابا عشان تجهز عمو

العريس

حازم:حاضر

#بعد رحيل حازم

ريم:افردها شويه

طارق:هيا ايه؟

ريم:الوش المبوز دا

طارق:حاضر

ريم:حلو اللبس..ذوقى دايماً

طارق:متهياًلى ربنا رزقنى بمرات أخ عشان

تبقا أخت تفضل تختار لي هدومي

ريم:حبيبي مهمتي دي هتخلص من

النهارده..المدام بقا هيا اللي هتختار

طارق:طب يلا ننزل

(كان طارق يرتدي تيشيرت أبيض وفوقه

جاكيت بليزر جلد أسود وبنطلون أسود)+

■ في منزل محمد سليم الفخم:

رحمه:رني عليها تاني يا دعاء

دعاء:يا ماما لسه مكلمها بقالي ١٠ دقائق

وقالت لي قربت خلاص

رحمه:قربت ايه يا بنتي؟دا الساعه بقت

سبعه إلا عشره والناس خلاص عل. وصول

محمد:هتفضل طول عمرها مش شايله

مستوليه

حسام:يا عمي اهدى بس شويه زمانها

خلاص قربت توصل

محمد:والله شكل ما حد هيوصل للترب

غيري

دعاء:بعد الشر عنك يا بابا

رنا(ابنة دعاء وحسام):مامي طنط
سعاد(العامله)قالت لي اجي اقول لكم ان
الجماعه وصلوا

محمد:يا فضيحتك يا محمد

حسام اهدي بس يا عمي مش كدا

دعاء:ماما هدي بابا وانا وحسام ورنا هننزل

#الإستقبال

دعاء:أهلا وسهلا افضلوا

عمر:ازيك يا بنتي

دعاء:الحمد لله افضل يا عمي..اعرفكم دا
حسام جوزي محصلش انكم تتعرفوا بيه لانه
كان مسافر ودي بنتي رنا

هند:ربنا يبارك لك يا بنتي

حسام:مش هتعرفينا بالباقيين ولا ايه يا دعاء

دعاء:حاضر نتفضل جوا الاول

#في غرفة الاستقبال

دعاء:دي طنط هند..ودا الاستاذ أحمد ابن
عمو عمر..ودي مراته البشمهندسه ريم ودا
حازم ابنهم..ودا طبعا عمو عمر والد
البشمهندس طارق...ما اخدتش بالي بس
فين البشمهندس؟

هند:بيركن العربيه بتاعته

دعاء:ماما وبابا جم

#أمام المنزل

طارق:ايه دا معقوله مفيش اي مكان تترك
فيه خالص؟

&ثم يرن هاتف طارق&

طارق:بترن منين انت كمان..شكلك وقعت
في العربيه..

&كان طارق يبحث عن هاتفه وفي نفس
الوقت يحاول أن يركن السيارة&

ملك:العربيات موجوده شكلهم وصلوا

سلمى:نهدي بس كدا

ملك:يا ربي

\$كانت هناك سيارة تتراجع وعلى وشك
الاصطدام بملك&

سلمى وهي تجذبها:ملك حاسبي

ملك:كانت هتخبطني!! ايه التخلف دا

&اتجهت ملك إلى السيارة&

ملك وهي تدق على شباك السيارة:انت يا
أستاذ ياللي مابتشوفش

&كان طارق يتحدث في الهاتف إلى أن انتبه
إلى تلك الفتاة ثم بدأ بإنزال زجاج النافذه
رافعاً حاجبيه&+

واصل قراءة الجزء التالي

الفصل الرابع:"عقد القران"

&كانت الاجواء مظلمه ولأن ملك لم ترى
طارق سوى في صورة لم تستطع تمييزه أما
عن طارق فلم يرها مطلقاً&+

طارق:أفندم؟في حاجه

ملك:لا مفيش كل اللي في الموضوع انك
كنت هتخبطني بعريبتك

طارق:ما اخدتش بالي معلش

ملك:ايه معلش دي..لازم تتأسف

طارق:بعد اذنك ياريت صوتك ميعلاش وانا
مش فاضي لمواضيع اتأسف دى

ملك:انت بتقول ايه انت؟

سلمى وهي تخبط ملك في كتفها:ملك
الجماعه جوا يلا ندخل من الباب اللي من
الناحية التانيه عشا محدش يشوفنا

ملك:يلا مش ناقصين عطله

#بعد رحيل ملك وسلمى

طارق يحدث نفسه:هيا قالت ملك ولا انا
سمعت غلط؟دا انا شكلى هتجوز المعلم
حنفي..الصبر يارب يلا اما ادخل للمصيبه

دي

#بعد دخول طارق وجلوسه

عمر:المأذون جه يا محمد مش يلا بقا نبداً

كتب الكتاب

محمد بتوتر: نادي على ملك يا دعاء

دعاء:حاضر يا بابا

&ثم خرجت دعاء من غرفة الاستقبال

متوترة إلى أن رأت ملك وسلمى يدخلان من

الباب الآخر&

دعاء بصوت منخفض:ملك يخربيت عقلك

ملك:خلاص يا دعاء يلا ندخل

دعاء:هتدخلي لكتب كتابك بينطلون جينز

وتيشيرت بينك وجاكيت جينز؟

ملك:ابوس ايدك يلا ندخل

&ثم دخلت ملك وسلمت على الحاضرين
إلى أن رأت طارق وصدمت عندما تعرفت
به&

&ثم بدأ المأذون بعقد القران&

ريم:ألف مبروك يا طارق...ألف مبروك يا
ملك بقيتي خلاص جزء منا
ملك:الله يبارك فيكي يارب

هند:مبروك يا بنتي

ملك:الله يبارك في حضرتك يا طنط

هند:لا من هنا ورايح تقولي لي ماما

ملك بابتسامة رقيقه:حاضر يا ماما

طارق في نفسه:اللي يشوفها هنا

مايشوفهاش من نص ساعه برا

عمر:نسيب الولاد بقا مع بعض شويه ولا

ايه؟

محمد:ايوا اكيد يلل نطلع برا شويه

#بعد خروج الجميع

طارق:لا برافو

ملك:على ايه؟

طارق:يعني عامله لهم دور البنت الرقيقه

والكيوت..دا لو شافوا الوش اللي انا شفته

ملك:تؤؤ تؤؤ..اولا اسلوبي بيختلف من شخص

لاخر ثانيا انا بعامل كل واحد بالمعامله اللي

يستاهلها

طارق:قصدك ايه يعني؟

ملك:خلاص خلاص..نبدأ بقا الحوار التقليدي

اللي مالوش اي تلاته لازمه؟

طارق:عرفينا بيكي

ملك: ١٩ سنه..في كلية هندسه قسم عماره

طارق:هندسه؟

ملك:ومالك مصدوم كدا ليه؟

طارق:يعني ما اتخيلتش اني اتجوز مهندسه

زي

ملك:مهندس عماره؟

طارق:لا كهربيا+

&ثم رن هاتف طارق ولم يعر طارق ملك أي

اهتمام وقام بالرد على هاتفه&+

#بعد انتهاء طارق من مكالمته

طارق:معلش بس كان تليفون ضروري

ملك على مفضل: لا ولا يهملك.. انت بس
اتكلمت يجي ربع ساعه وانا مرزوعه كدا
وعادي حاجه بسيطه+

#تم دخلت دعاء

دعاء: مش كفايه كلام بقا ولا ايه؟

ملك: خلاص يا دعاء خلصنا

طارق: ملك ممكن رقمك

ملك: اه اكيد اتفضل....

طارق: هكلمك لما اوصل باي

رحمه: نورتونا والله

#بعد رحيل عائلة عمر الدين

ملك: انا تعبانه يلا يا سلمى نطلع؟

سلمى: ايوا يلا بسرعه

#بعد رحيل ملك وسلمى

محمد:شفتي بنتك بتهرب ازاي قبل ما
اتكلم معاها؟

دعاء:هههههههه..خلاص بقا يا بابا...اه من
الحق ملككانت بعنت لي الموقع اللي فيه
العربيه بتاعتهم

محمد:تمام انا هكلم شريف(سواق
الأسرة)يبعت حد يجيبها

حسام:نمشي احنا بقا ياعمي..مع السلامه

رحمه:مع السلامه يابني

دعاء:عاوزه حاجه يا ماما

رحمه:سلامتك

#في فيلا عمر الدين

ريم: في وسط الكلام دا كله ايه رأيك

بعروستك يا عريس؟

طارق:ها؟كويسه

ريم:بذمتك انت شفت في حلاوتها ولا أدبها

ولا في أسلوبها؟

طارق:لا في حياتي ماشفت ولا هشوف زيها

ابدا..تصبحوا على خير

#بعد دخول طارق لغرفته+

&تذكر ماحدث معه من لقاء أول جمعه

بملك&

طارق بضحكه خفيفه:هه..مجنونه+

واصل قراءة الجزء التالي

الفصل الخامس:"رحلة"

سلمى:ملك يا ملك اصحى الوقت بيخلص

ملك بثاؤب: في ايه يابنتي

سلمى: فرحك بكرة

ملك وهي تعتدل: وجبتي جديد يعني؟ دا

يستدعى انك تصحيني ٤ الصبح؟

سلمى: يا ملك قصدي نعمل اي حاجة انتي

هتمشي بكرة

ملك: ايه همشي دي؟ انا هشوفك على

طول.. المهم عاوزانا نعمل ايه؟

سلمى: نروح رحلة

ملك: رحلة؟ يابنتي انتي ليه مش مقتنعه ان

بابا مستحيل يسبنا نعمل رحلة كدا

سلمى: يا ملك ما احنا هنكلم زياد يجي

معانا

ملك: زيااااد اوي اااا تمام انا هروح اجهز

سلمى:وانا جهزت الشنط وزياد تحت

ملك:حاضر نص ساعه واكون جاهزه

سلمى:بسرعه

ملك:بما انك صاحيه بدري كدا صليتي الفجر

طيب؟

سلمى:مصلياه في وقته يا قلبي دوري على

نفسك

ملك:ماشي+

#في فيلا عمر الدين وتحديداً غرفة طارق

&يرن منبه هاتف طارق فيستيقظ ليغلقه

لينهض يتحمم ويصلى ويهم بالنزول&+

هند:صباح الخير يا طارق

طارق:صباح النور يا ماما

هند: رايح فين ع الصبح كدا يا بني؟
طارق: هروح أجري شويه.. وامي بالعربية
هند: مش عاوز تشوف أوضتك الجديده انت
وسما؟

طارق: اما آجى بقا يا ماما ٢

#في سيارة زياد وملك وسلمى+

سلمى: ألا قولي لي يا ملك طارق كان اتصل
بيكي؟

ملك: والله يا بنتي ولا حتى كلمنى شكرا.. دا
هتلاقيه عمل كدا عشان يخلص من أسئلة
وحوارات اهله

زياد: معاه حق والله دا كفايه التدبسه اللي
اتدبسه

ملك:بطل بقا لماضه يا اخى دا انت تموت
في التريقه عليا..وبعدين اما نشوف اللي انت
هتتجوزها

زياد:اتجوز ايه بعد الشر

ملك:آه طبعاً ما انت كش عايش معنا
عشان عمك ماينفخكش

زياد:ما خلاص بقا يابنت عمي انتي
بتسيحي

ملك:دا سلمى توأمك يعني عارفه كل
تفاصيلك

سلمى:المهم ان احنا مش شبه بعض
خالص..ههههههههه

زياد:بطلوا رغي انتم قلتتم على فين؟

سلمى:المزرعه اللي في *****

زياد:مش دي المزرعه اللي مكتوبه بإسم

عمى وعمر الدين

ملك وهي تعطيه خبطه بذارعه:اسمه عمو

عمر دا بقا بابا

زياد:آه يا مجنونه.. دي كانوا شارينها شركه

من ٣ شهور بس مزرعه ايه حاجه كدا تفتح

النفس من كتر الشجر اللي زارعيه حوليها

تحس ان مصر فيها غابات

سلمى:أنا شفت صورها مع عمو محمد

وحييتها اوي

+

#في سيارة طارق..الساعه ٧ صباحاً

&يرن هاتف طارق بإسم والدته&+

طارق:ألو ايوا يا ماما

هند:ايوا يا طارق هيا ملك معاك؟

طارق بتنهيده:ملك مين يا ماما على ٧
الصبح..ليه خير؟

هند:اصل امها اتصلت علينا لانهم ملقوهاش
الصبح لاهيا ولا بنت عمها فقلت جايز يكونوا
خادوك معاهم تجيبوا حجات للفرح
وتليفونها هيا وسلمى غير متاح

طارق:طب اقفلى دلوقتي يا ماما وانا
هشوف الموضوع دا

راحت فين دي بس+

#في سيارة زياد وملك و سلمى

زياد:ملك سلمى احنا وصلنا..اصحوا بقا
زهقتوني

سلمى:اه خايف تشيل حد فينا

زياد:ماهوا معلش انا أخري جموسه واحده

مش اتنين

ملك وهي تههم بخلع حذائها:جموسه؟طيب+

#في سيارة طارق

طارق:الو عرفتي مكان الموبايل دا فين؟

عامل شركة الاتصالات:كان الموضوع صعب

جدا يا بشمهندس طارق على ما قدرنا نجيبه

لان الموبايل كان بيلقط شبكه في حته وحته

تانيه لا

طارق:ألف شكر ياعم العنوان بقا؟

العامل:في.....

#في منزل محمد سليم

دعاء:بابا ماما طارق كلمهم وقال لهم انه

عرف طريقهم

محمد:متعرفيش فين؟

دعاء:مرضاش يقول

رحمه:الحمد لله اني اطمنت عليهم+

#في المزرعه عند الساعه ٥ عصرأ

&كان زياد يقوم بشي اللحم والكباب لينما
تحضر سلمى وملك المائده وكانوا في
الحديقه&

سلمى:ملك روى ودي بقية الكباب دا
لزياد يشويه

ملك:حاضر

&كانت كلك تذهب مسرعه الى زياد
واصطدمت بحجر أدى لوقوعها&

زياد:ملك!!! يخربيتك

&ثم ذهب زياد ليساعدها على النهوض&

زياد:يا بنتي امسكي في ايدي خلصي

ملك:مش قادره

زياد:ماتيحي يا سلمى تحاولي تقوميها
معايا..دي حطا الهاند فري يخربيتك امتي
كمان يا شيخه..طب بصي يا ملك مع انك
تقيه بس هحاول اشيلك

ملك:ايوا كدا تعالى على نفسك شويه+

&ثم حملها زياد &

زياد:امسكى بقا فيا كويس

&في تلك الأثناء رأت سلمى ضوء سيارة
يدخل المزرعه فأزالت الهاند فري لترى أن
طارق هو من يخرج منها&

سلمى بصوت منخفض:يا وحيننا يا ويحنا

طارق(وقد عرف ملك من خصلات شعرها

المتدلى):ملك

&ليستدير زياد وينظر لشخص يبدو عليه

كل الغضب&+

واصل قراءة الجزء التالي

الفصل السادس:"سوء تفاهم"

طارق:ملك!!

ملك:ط طارق!!

زياد:هوا دا بقا

طارق بانفعال وهو يقترب:انت شايلها ليه يا

اسمك ايه انت

زياد:اسمى زياد

طارق:تصدق انك ظريف..بقولك سييها

زياد:دي وقعت يا بشمهندس ومش قادره
تقف

طارق:تقوم انت تشيلها بصفتك ايه؟

زياد:بنت عني حضرتك

&ثم قام طارق بأخذها ووضعها على كتفه
بحيث رأسها للخلف&

طارق وهو يدفعه بيده:حتى لو بنت عمك ما
تلمسهاش

سلمى:يا بشمهندس حضرتك مفهمتش باقي
الموضوع..زياد يبقا توأمى وانا وزياد وملك
راضعين على بعض يعني زياد أخو ملك في
الرضاعه

طارق:طب ندخل نشوف بس هيا مش قادره
تقف ليه وبعدين نشوف العك دا كله

#بعد الدخول للبيت

سلمى:كويس انك مش محتاجه غير
كمادات تلج..دا كانت هتبقا مصيبه لو حصل

كسر

ملك:اي بتوجعني

سلمى:ما تقلقيش بكرة الصبح هتبقي

كويسه

طارق وهو يدخل مع زياد:يلا نمشي؟!

سلمى:اكيد طبعا يا بشمهندس بس انت ما

اخذتش بالك من الجو ولا ايه

طارق:بتمطر اخدت بالي

سلمى:ايوا فاهمه بس احنا في الربيع واي

مطر فجائي بيقلب بعدين لشتوايا نضيفه

طارق:انا فهمتك نبات يعني هنا؟

سلمى:الله يفتح عليك

زياد:حيث كدا بقا في اوضتين جاهزين

سلمى:خلاص انا وملك هنبقا في اوضه وانتم

في اوضه

طارق:ماشي بس خدوا في بالكم ان احنا

هنطلع ع الساعة ١ كدا عشان ترتيبات

بكرا..تصبحوا على خير

سلمى:احم بشمهندس طارق حضراك

منيتش حاجه؟

طارق:خير في ايه؟

زياد:لا مفيش كل الحكايه انك سايب لنا

اللي اسمها مراتك دي وطالع تنام

طارق:هههه ما اخدتش بالي..متقلقش ياعم

معدتش هتدبس في شيلتها من هنا ورايح

زياد:اللاوضه بتاعتهم اول واحده على السلم

&ثم حملها طارق ووضعتها على السرير&

ملك:طارق استنى

طارق:خير في حاجه؟

ملك:شكرا

طارق:على ايه؟

ملك:مساعدتك ليا

طارق:تصبحي على خير

ملك:وانت من اهله+

&ثم خرج طارق من الغرفه&

طارق لنفسه:والله لادفعك حق المرمطه

اللي انتى اتسببتى لى فيها دي كلها كام

ساعه+

#عند الساعه ال ٥ صباحاً كان طارق قد

أوصل ملك لبيتها

رحمه:طب ادخل استريح يا طارق يا بني

طارق:لا انا هستأذن حضرتك يدوب الحق

أنا شويه سلام

رحمه:مع السلامه+

زياد:ايه ياعمي مش هتسلم عليا ولا ايه؟دا

من سلعة ما انا دخلت وانت وشك قالب

عليا كدا

رحمه بصوت منخفض:زياد اطلع فوق

بسرعه زي سلمى وملك قبل ما عمك

يقلب عليك+

#دخل زياد لغرفة ملك حيث تتواجد سلمى

زياد:تسمحولي ادخل

ملك/سلمى:لا

زياد وهو يدخل:ميرسي

سلمى:زياد خلى ملك تنام شويه لان كلها ٣

ساعات والميكب ارتيست تيجي

زياد:ما تنامي يا ملك

ملك:أنا قلقانه اوي

زياد:من ايه؟

ملك:انا عشت طول عمري مقضياها لعب

وهزار ومحطتش في دماغي انه هيجي يوم

واشيل مسئولية جواز

سلمى:ملك انا وزياذ هنفصل جمبك على

طول ومش هنسيبك

زياد:متقلقيش بقا ويدا نامي

ملك:حاضر+

#عند الساعة الـ ٦ مساءً

ريم: طارق يا طارق.. اصحى يلا

طارق: صحيت صحيت

ريم: بدلتك جاهزه وكلنا خلاص قربنا

نجهز.. احنا هنسبقك على القاعه

طارق: خلاص ماشي

#في الأسفل

هند: ها يا ريم صحى

ريم: ايوا يا ماما... فين أحمد؟

عمر: جاله تليفون في الجنينه

ريم: خلاص هروح اشوفه

#في الحديقه

أحمد:بص يعمل اللي تقدر عليه..ابويا بدأ
بالمشروع دا وخلص هينفذه
الطرف الآخر:.....

أحمد:يهدد ما يهددش انا مش فاضي له
اللي ابويا قاله يتنفذ
ريم:أحمد

أحمد:سلا بقا دلوقتي
ريم:كنت بتكلم مين؟

أحمد:دا حجات في الشغل

ريم:طب انا هركب في العرييه مع ماما وحازم
نسبلك انت وبابا

أحمد:حاضر يا حبيبتي

ريم وهي تضمه:خد بالك من نفسك

أحمد: ايه دا كله؟ دا عشان مش هتركبي

معايا؟

ريم: حاجه زي كدا يلا سلام

أحمد: سلام

ريم وهي تترك أحمد: قلبي مقبوض يارب

استرها+

#في مكان آخر

مجهول ١: بعتنا آخر تحذير ورفض حلو اوي

مجهول ٢: يعني الواحد لما يتبعث له فرصه

اخيره بيرفض.. يا حرام

مجهول ١: نفذ العمليه

مجهول ٢: تؤمر.. وهما رايعين ولا وهما

راجعين

مجهول ١: وهما راجعين خليهم يشهدوا

الفرحه الأخيره

مجهول ٢: تمام يا باشا

مجهول ١: هه عاملى فيها مستثمر لصالح

بلدك؟ انت اللي جنيت على نفسك+

واصل قراءة الجزء التالي

الفصل السابع: "زفاف ومأساة"

& وصل طارق إلى القاعه الفخمه التي يقام

فيها حفل زفافه&

حازم: مامي عمو طارق وصل

ريم: طب ثانيه كدا هروح أشوفه

#بعد ذهاب ريم إلى طارق

ريم: طارق

طارق:ريم أنا مش فاهم أي حاجة خالص من
المراسم دي

ريم:مفيش حاجة تستاهل الحيرة دي انت
هتقف على الايستدج وملك هتدخل مع
باباها من الباب دا ويسلمها ليك وبعدين
هترفع عن وشها الطرحه بس

طارق:يا سلام مبوسش دماغها كمان ليه

ريم:ما هوا انت فعلا هتعمل كدا

طارق:نعم

ريم:يلا يا طارق روح هتاك بقا

&بدأت مراسم الزفاف بالفعل وسلم محمد

سليم ابنته ملك إلى طارق ثم جاءت لحظة

رفع الطرحة عن وجه العروس&

□ طارق وملك □ +

+

□ ملك □

+

۱

&بعد إنتهاء مراسم الزفاف والوداع الحار بين
ملك وأسرتها ركبت السيارة مع طارق
متجهين إلى فيلا عمر الدين وركبت ريم مع
هند وحازم وركب عمر الدين مع أحمد&

#في سيارة أحمد وعمر الدين

عمر:كنت حاسس انك عاوز تقولى حاجه
عشان كدا ركبت معاك خير يا أحمد؟
أحمد:مفيش حاجه يا بابا هيكون في إيه
عمر:أحمد متلفش وتدور حواليا في إيه

أحمد:بصراحه يا بابا التهديدات اللي بتكتر
دي خوفتني يعني النهارده جالى مكالمة
وقيها تهديد

عمر:هوا دا بقا اللي مخوفك...لعلمك يا
أحمد أنا مش خايف من حاجه وبإذن الله
الفكرة دي هنفذها

أحمد:اللي تشوفو يا بابا

&وصلت السيارات إلى فيلا عمر الدين ماعدا
أحمد وعمر&

ريم:يلا يا طارق شيل ملك واطلعوا
طارق:ليه يعني

ريم:بصوت منخفض:حس على دمك
وشيها

ملك في نفسها:الله يسامحك يا بابا

&وبالفعل حمل طارق ملك ودخلوا إلى

الغرفه&

طارق:بما إننا بقا اتكتب كتابنا واتجوزنا فنبدأ

بقا الإتفاق

ملك:اتفاق إيه؟

طارق:بصي بقا انا مكنتش اصلا راضي

بالجوازه دي وانا وافقت بس عشان بابا

ملك:دا على اساس ان أنا اللي كنت هموت

عليك

طارق:يعني إيه؟

ملك:أنا وافقت بالجوازه النحس دي عشان

لما أنا رفضت في الأول بابا دخل المستشفى

طارق:امم نحس..المهم يعنى لحد كدا إحنا

متفقين

ملك:حاجه زي كدا

طارق:نحط بقا ابشروط اللي بينا

ملك:معنديش مانع

طارق:قدام الكل هنمثل إن احنا مبسوطين

لكن في الحقيقه محدش له دعوه بالتاني

ملك:حلو اوي وطبعاً الكلام دا لكلا الطرفين

طارق:يعني؟

ملك:ملكش دعوه أروح فين وأجى منين

كنت مع مين اتأخرت ليه

طارق:نعم ياختي؟!انتني شكلك فهمتي

الموضوع غلط

ملك:ياربي..طب أفهمه صح ازاي؟

طارق:انتى مش متجوزه كىس جوافه انتى
متجوزه طارق عمر الدين يعنى شايله اسمى
يعنى من الآخر مفيش شغل من دماغك

ملك:يعني ا....

&لم تكمل ملك حديثها لأنهم سمعوا صراخ
ريم&

#بعد نزول طارق وملك للأسفل

طارق:في ايه يا ريم؟

هند بىكاء:مصيبه يا طارق يابنى

ريم بىكاء:ال المستشفى اتصلت وبيقولوا

بابا وأحمد عملوا حادثه يا طارق

طارق بذعر:مستشفى ايه

ريم:*****

طارق:طب أنا رايح

ريم:انا جايه معاك

هند:وأنا كمان جايه

طارق:ملك خليكى انتي هنا عشان حازم نايم

فوق

ملك:ماشي

&صعدت ملك لتغير ثيابها وكانت تبكى ثم

ذهبت لتري حازم ووجدته نائماً ووضعت

عليه الغطاء وخرجت&

#بعد وصول طارق وهند وريم للمستشفى

طارق:دكتور أخويا وابويا عاملين ايه؟

الطبيب:حضرتك مين؟

طارق:انا طارق عمر الدين

الطبيب:اه تمام...يؤسفى انى أقولك إن

أخوك دخل في غيبوبه

&ذعر الجميع وانهارت هند وريم أما عن

طارق فتمالك نفسه&

طارق:و بابا؟

الطبيب:البقاء لله

هند:لا لا يا طارق ابوك مماتش لا مستحيل

&أما عن ريم فبكت بشده لحد التألم ووضع

طارق يديه على عينيه ليمنع هبوط دموعه

وظلت تقاوم تلك الجفون تقاوم هبوط تلك

الدموع&

&مر ثلاثة أيام على ذلك الحال وانتهى العزاء

ودخلوا جميعاً إلى المنزل&

طارق:ألو ايوا يا شريف(مساعد عمر وأحمد

في العمل)عاوزك تجيلي ضروري.....

#بعد انتهاء المكالمة

طارق:دلوقتي بيقولوا ان اللي حصل ان في
عربيه خبطت عربية بابا وأحمد...والشرطه
بتحقق في الموضوع دا لأن في احتمال إنها
كتكونش حادثه عاديه بسبب إفادة ريم
ريم:ايوا يا طارق أنا سمعت مكالمة أحمد
بودني وكانت تهديد

طارق:متقلقوش أنا هوصل للحقيقه لو
كلفنى ايه

هند:طارق عشان خاطري يا ابني متورطش
نفسك اخذك في غيبوبه وابوك راح
فمتقطعش قلبي عليك

طارق:سيبيها لله يا ماما...أنا هطلع فوق في
مكتبي أكا شريف يجي ابعتوه...ملك تعالي
عاوزك ثواني

&بعد صعود طارق وملك لغرفة المكتب&

ملك:نعم يا طارق

طارق:حببت أشكرك على اهتمامك بحازم
وماما وريم في الايام اللي فاتت دي

ملك:لا ولايهمك

طارق:انا عارف ان طريقتي معاكى في الكلام
يوم فرحنا مكنتش كويسه ف..

ملك:حصل خير

طارق:بخصوص كليتك تقدرى تروحيها من
بكرا

ملك:تمام شكرا

طارق:تقدرى تتفضلي

&عندما كانت ملك تخرج من الغرفه دخل
شريف&

طارق:اقفل الباب وراك يا شريف

شريف:تمام يا فندم

طارق:جبت كل الورق اللي طلبته منك؟

شريف:ايوا سعادتك

طارق:ألاّ قولى يا شريف هوا بابا كان بيجيله

تهديدات

شريف:عمر بيه كان دائماً بيجيله تهديدات

بس التهديدات دى كترت بسبب الفكرة

الجديده اللي عاوز ينفذها..التهديدات دى

وصلت أحياناً انهم هددوه انهم ممكن يصفوا

العيله كلها

طارق:يصفوا؟!...انا فعلا سمعت ان بابا كان

هينفذ فكره جديده بس معرفتش هيا

ايه...معاك ورقها؟

شريف:ايوا يافندم

طارق:تمام كذا انا حطيت ايدي على أول

الطريق

شريف:تقصدا ايه يافندم

طارق:واضح اوي ان اللي حصل لابويا واحمد

مش مجرد حادثه..دي شروع في قتل

شريف:ايوا سعادتك انا فهمت قصدك بس

في كذا عدو للمرحوم الله يرحمه

طارق:ماشى انا بقى عاوز كل الطرود اللي

جه فيها تهديدات

شريف:حاضر يا فندم

+*****

واصل قراءة الجزء التالي

الفصل الثامن: "بداية"

#بعد مرور ثلاثة أيام أخرى

&كان طارق نائماً في غرفة المكتب ثم
استيقظ ولكنه وجد ملك تخرج من غرفتهما
متجهة للأسفل&

طارق:ملك

ملك:ها في حاجه يا طارق؟

طارق:لا بس احنا لسه بدري يعني وانتى
مالك نازله بالراحه كدا؟

ملك:اااه..لا اصل هروح اقابل واحده زميلتي
كنت قايله لها تجيب لي المحاضرات اللي
فاتتني

طارق بشك:ومختيش سلمى او زياد
يجيبوها ليه

ملك: اصل زميلتي دي تبقى معايا في نفس

القسم وعارفه كويس انا ايه اللي فاتني

طارق: طيب اتفضلي.. هخلي حسن (سواق

الأسره) يجهلك عربيه

ملك: لا انا هروح كدا عادي

طارق: ازاي يعني؟! مينفعش

ملك: لا انا هروح لوحدي... يلا سلام

طارق: مع السلامه

#بعد رحيل ملك

طارق لنفسه: يا ترى مخبيه ايه يا ملك

&ثم أجرى طارق اتصال&

طارق: ايوا يا حسن عاوزك تطلع بالعربيه ورا

مدام ملك.. مش شغلك تعرف ليه

#ملك وهي في سيارة الأجرة

← فلاش باك →

قبل يومين:

&كانت ملك عائدة من الجامعه ولكن

أوقفها حسن،&

حسن:مدام ملك في ظرف وصل لحضرتك

ملك:من مين؟

حسن:مش عارف لأنه جه وعطى الظرف

لأمن البوابه

ملك:شكرا يا عم حسن

&صعدت ملك لغرفتها&

ملك:يا ترى فيه ايه الظرف دا

^صدمت ملك مما قرأت في ورقة داخل

الظرف^

&محتوى الظرف&

"أولا البقاء لله على المرحوم عمر

الدين..بغض النظر أنا مين اللي باعت لك

الظرف دا المهم هنا أنا بعته ليه انتي مدام

البشمهندس طارق اللي مسك كل الشغل

بعد وفاة والده والغيبوبه اللي أخوه

دخلها..وأنا بعث ليكي الجواب دا عشان

تحاولى توقي البشمهندس طارق عن اللي

بيعمله فهميه انه يبطل يدور وانا وحاولى

تقنعيه انه يوقف الفكره اللي المرحوم الله

يرحمه بدأ بيها بدل ما تلبسي انتي كمان

اللون الاسود"

←باك→

ملك:يارب

#وصلت ملك إلى كافيتريا تطل على البحر

&رأت ملك شاباً يجلس على أحد المقاعد

فذهبت إليه&

ملك:معلش بقا يا إيهاب هتعبك معايا

إيهاب:طب اقعدني ووريني المصيبة اللي

انتي بتقولي عليه

(إيهاب شاب في الـ ٢٧ من العمر متزوج من

ابنة خالة ملك سماح..يعمل السلك القانوني

وذو رتبة عالية)

#بعد قراءة إيهاب للرسالة

إيهاب:دا الموضوع شكله كبير اوي

ملك:أمال انا جيتلك ليه؟

إيهاب:طب اهدي طيب..أنا همسك الموضوع

دا بنفسي

ملك:أوعى سماح تعرف يا إيهاب دي ممكن

توقع بالكلام قدام أي حد

إيهاب:متقلقيش يا ملك الموضوع دا

هيفضل بيني وبينك

ملك:أنا هقوم بقا عشان محضراتي

إيهاب:مع السلامه

ملك:الله يسلمك

#في فيلا عمر الدين

طارق:قلت لي كانت في كافيه ايه؟

حسن:كافيه****...أنا كنت هصور سعادتك

بس مرضتش لانك معطتنيش اذن

طارق:حسن محدش هنا بيتصرف من دماغه

حسن:فاهم سعادتك

طارق:اتفضل روح شوف شغلك

حسن:أمرك يا باشا

&عند الساعه الـ٤ عصرأً عادت ملك&

هند:حمدا لله على سلامتک يا ملك

ملك:الله يسلمک يا ماما..حضرتک جيتي

امتا؟

هند:بقالى كدا نص ساعه

ملك:وريم جات ولا لسه؟

هند:مرضتش تيجي يابنتي اصرت تفضل

جمب أحمد

ملك:وحازم فين؟

هند:المربيه بتاعته قاعده بيه فوق

ملك: انا هطلع أغير هدومي عن اذنك

هند: اذنك معاك يا بنتي

&صعدت ملك للغرفة وعند اضاءتها الأنوار

شهقت شهقة فزع&

طارق: اتخضيتي كدا ليه؟

ملك: انت قاعد في الضلمه ليه كدا؟ وبعدين

احنا من اول ما اتجوزنا مبشوفكش خالص

في الاوضه

طارق: بقيت بنام في المكتب بسبب

الشغل... المهم جبتي المحاضرات اللي كانت

فايتاكي؟

ملك: آه جبتها

طارق: اسمها ايه زميلتك دي يا ملك؟

ملك: نعم؟ وبتسأل ليه؟

طارق بصوت عالٍ: مترديش عليا سؤال

بسؤال.. مين زميلتك دي؟

ملك: لا دا انت شكل السهر مخليك حتى

مش عارف انت بتقول ايه؟

&نتيجة لعصبية طارق سحب ملك من

ذراعها وضغط عليه بقوه&

ملك: سيبيني يا طارق ايدك صعبه

طارق: مين دا اللي قابلتيه الصبح يا ملك؟

ملك بصدمه: ايه؟ وانت عرفت مينين؟

طارق بصوت عالٍ أفزع من في البيت: قلت

لك مترديش عليا بسؤال

&دفعته ملك عنها وكانت تهتم بالخروج من

الغرفة ولكن جذبها طارق من شعرها&

طارق وهو يجذبها من شعرها: راичه فين؟

ملك:آه سيبيني يا طارق

طارق:مش قبل ما تردي على سؤالى

هند:طارق في ايه

طارق:لو سمحتى يا ماما متدخليش بيني

وبينها وياريت محدش يفتح الباب

هند من خلف الباب:طب اطلع يا بني

دلوقت دا الشيطان شكله دخل بينكم

طارق وهو يتركها:كلامنا لسه مخلصش

&بعد خروج طارق ورحيله من الفيلا انهارت

ملك من البكاء&

هند:مش هسألك يا بنتي ايه اللي حصل لأن

دا بينكم اتم الاتنين بس اهدي وريحي

أعصابك

&ثم سمعوا صوت ريم&

ريم:ماما يا ماما

هند:ايوا ياريم

ريم:الدكتور طمني يا ماما وقال احتمال

أحمد يفوق قريب وحالته في تحس

هند:ياما انت كريم يا رب

ريم:فين طارق وملك؟

هند:طارق طلع برا وملك نامت

ريم:نامت؟دا لسه الساعه مجتش ٥

هند:ماهي جات تعبانه من الكليه

ريم:طب أنا هطلع اشوف حازم

#في صباح اليوم التالي

&كانت ملك في طريقها للخروج&

طارق:على فين؟

ملك:رايحه الجامعه

طارق:من هنا ورايح مفيش خروج

ملك رافعة حاجبها:ودا من امتا إن شاء الله؟

طارق:من امبارح..ودا لحد ما تقولى مين البيه

ملك وهي تهتم بالخروج:متقدرش تحبسنى

طارق:ملك مش هكرر كلمتى وانا مش

فاضى لك دلوقتى وأقسم بالله يا ملك لو

كلمتى ما اتسمعت ماهيحصل كويس+

واصل قراءة الجزء التالي

الفصل التاسع:"رؤية شاملة وخطر مؤكد"

#في شركة عمر الدين التي صار يديرها طارق

طارق:ألو..ايوا مين؟..طيب اكتب العنوان

#في فيلا عمر الدين تحديداً الصالون

ملك:ميرسي اوي يا سلمى تعبتك معايا

سلمى:ولا تعب ولا حاجه يا ستي..ادينا جينا

وشربنا عصير وقعدنا معاكي

زياد:بس حلو اوي على فكرا

ملك:البيت مش كدا؟

زياد:لا العصير

ملك:يا خفة دمك يا أخي

سلمى:المهم انتي مجتيش ليه الجامعه

النهارده؟

ملك:والله باين الموضوع شكله هيطول

سلمى:ليه إن شاء الله

ملك:ظروف العيله بقا

سلمى: اممم مش متطمنه بس هحاول
اصدقك.. المهم تذاكري محاضراتك

ملك: اكد طبعاً

زياد: يلا نقوم بقا يا سلمى الساعة بقت ٦

ملك: ايه دا ايه دا؟ زياد بيرجع البيت؟

زياد: ما انتي متعرفيش اللي حصل

ملك: ايه اللي حصل؟

سلمى بمرح: عمي راح له البيت اللي ساكن
فيه وشده من طوقه وقاله معدش في قعاد
لوحذك تاني ومن ساعتها عمي شغال له
رايح فين وجاي منين

ملك: ههههههههههههههه

زياد: هتضحك طول اليوم بقا يلا يا زفته

سلمى: طيب خلاص.. سلام يا ملك

ملك:مع السلامه

#في إحدى الكافيتيريات

طارق:قلت لي بقا أنك جوز بنت خالة ملك

إيهاب:ايوا مضبوط

طارق:ويعني أعمل لك ايه؟

إيهاب:ملك قابلتني من يومين تقريباً..عشان

موضوع يخصك

طارق وهو يجلس باعتدال منتبهاً:يخصني؟

إيهاب وهو يخرج الورقه:ايوا عشان دي

طارق:إيه دي؟

إيهاب:دي رساله وصلت لملك كتهديد ليك

#بعد قراءة طارق للورقة

طارق:طيب..وملك عطيتها لك ليه ومجتش

تقولي

إيهاب:أنا شغال في أمن الدوله يا ياشمهندس

طارق..عشان كدا ملك طلبتني أمسك

الموضوع دا وطلبت مني مقولش لأى حد

ومن خوفها عليك طلبتني ومجتش تقولك

لأنها عارفه إنك مش هتوقف الفكرة ..بس

مقدرش أكمل في الموضوع دا إلا لما أكون

عارف كل حاجه عن المشروع اللي سببه

التهديد دا

طارق:ماشى وأنا موافق..بس بعد كدا

تعاملك يبقى معايا والمدام ملهاش أي

دعوه خالص

إيهاب:هحاول أمنعها على قد ما أقدر...مممكن

بقى حكاية المشروع دا بالتفصيل

طارق: ماشي بص يا سيدي.. ابويا الله يرحمه
كان بدأ في فكرة جديدة كان هيحول شركتنا
من شركة منتجة للسيارات وقطع الغيار
لشركة يعني شاملة هتصنع كل حاجة
وطبعاً احنا في الوقت الحالى نعد رقم على
اوي في السوق فكان بنسبه كبيرة الفكرة
تنجح وطبعاً رجال الأعمال مش هيسكتوا
لأن دا هضرهم وكانوا بقى بيبيعتوا تهديدات
إيهاب: أفهم من كدا إن مقتل عمر بيه كان
بسبب الفكرة دي

طارق: حاجه زي كدا.. متهيألى الكلام كدا خلص
عن إذناك

إيهاب: اتفضل

في سيارة طارق

← فلاش باك →

إيهاب:ملك طلبتني من خوفها عليك

←باك→

طارق لنفسه:شوفت البت عملت عشانك
ايه وانت عملت ايه..كنت هتضربها..اوووف+

#كانت ملك في حجرة الرسم خاصتها

ملك تحدث نفسها:والله شكلى على أما
أخلص الكلية دي هيجرالى حاجه

طارق:بتكلمي نفسك

ملك بشهقه:انت دخلت امتا؟

طارق:من شويا كدا

ملك:والسبب؟

طارق وهو يتقدم:جاي اتطمن عليكى

ملك:شكرا..تقدر تتفضل بقى

طارق:ملك حسني بس طريقتك شويه

ملك:خلاص مش عجباك الطريقه

متتعاملش

طارق متحكماً في أعصابه:ملك لو سمحتى

أسلوبك

ملك:كنت جاي ليه؟

طارق:جاي أعتذر لك عن امبارح وجايب لك

+دا

+

ملك بمفاجأة:شوكليت!!

&ثم تعلقت ملك برقبة طارق محتضنة

إياه&

ملك:ميرسي أوى بجد يا طارق

طارق:هههه..ولا يهمك

&ثم تداركت ملك نفسها وتراجعت&

ملك:سوري ما أخذتش بالي

طارق:بتعتذري عن إنك حضنتيني؟

ملك:أمال أعتذر عن إيه؟

طارق:تعتذري مثلا عم اللي عملتيه امبارح

ملك بتوتر:أنا معملتش حاجه

طارق:يجيلك جواب تهديد ليا وتخبي عليا

وتروحي تقابلي إيها بومتعرفنيش

ملك:انت عرغت دا كله منين؟

طارق:قابلت إيها ب النهارده..هحكيلك

← فلاش باك →

طارق:ألو

إيها ب:بشمهندس طارق؟

طارق:أيوا مين؟

إيهاب:أنا من طرف قرابة مدام ملك ممكن

تتقابل؟

طارق بتنهيده:أكتب العنوان

←باك→

ملك:يخربيتك يا إيهاب

طارق:ملك لو سمحتي ياريت معدتيش

تخبي عني حاجه..بجد إنتي متعرفيش أنا

كل أما بفتكر الموضوع كنت هعمل ايه؟

ملك:تعمل ايه؟

طارق:كنت هطلقك يا ملك

ملك:ا ايه طلاق؟

طارق:ايوا لأنني أكثر حاجه بكرها الخيانه

ملك:أنا آسفه

طارق:خلاص حصل خير..يلا أنا رايح أوضة

المكتب

ملك:طارق

طارق:نعم

ملك:منستش حاجه؟

طارق:ايه؟

ملك:الجامعه

طارق:اه مفيش مشكله بس عم حسن اللي

هيوصلك بعد كدا

ملك:ماشي

&وفجأة حدث شئ مرعب حيث سمعوا

إطلاق رصاص&

ملك بخضه: في ايه ؟

طارق: اهدي كدا..وتعالى معايا ووطي ضهرك

&ثم ضربت إحدى الرصاصا بلور(زجاج)غرفة

الرسم أدت إلى وقوع ملك من هول

الصدمة&

طارق:قومي يا ملك بسرعه

ملك وهي تفقد الوعي:م مش قادره

طارق:ملك!!

&حملها طارق وكان يخرج من الغرفة&

ريم:ايه الصوت دا يا طارق وملك مالها؟!!

هند:في ايه يا بني؟

طارق:أنا هحط ملك على السرير وانتوا

حاولوا تفوقوها

& ثم وضعها طارق على سرير غرفتهم
وذهب بحذر إلى غرفة المكتب وفتح الخزانة
وأخذ سلاحه&

#بعد نزول طارق لأسفل

طارق:شهاب!!

شهاب(أحد أمن الفيلا):ايوا يا فندم

طارق:ايه الرصاص دا؟

شهاب:دا شوية رجاله كدا جاينين بيطلقوا
رصاص..وأمن البوابة بيحاول يمنعهم

طارق:طب تعالى معايا..مش هنفضل واقفين

كدا

#في غرفة ملك وطارق

ريم:أخيرا فوقتي

ملك:فين طارق؟

هند:طارق تحت

ملك بخزف:تحت فين

&ثم سمع الجميع صوت رصاصه إنتهى

على أثرها العراك وسمعوا الأصوات&

أحد الرجال:الإصابة جات في البشمهندس

طارق!!

ملك:ط طارق!!+

واصل قراءة الجزء التالي

الفصل العاشر:"توتر وقلق"

&بعد سماع صوت اطلاق الرصاص نزلت

ملك ونزلت ريم وهند خلفها &

ملك:طارق حصل له ايه؟

ياسين(أحد الأمن):مش اصابه خطيرة يا

مدام جات في ذراعه

ملك:أمال أغمى عليه ليه؟

ياسين:درجة حرارته شكلها ارتفعت...انا

اتصلت بالدكتور محمود(طبيب

العائلة)وجاى دلوقتي

ملك:طب دخلوا طارق طيب

&بعد قليل وصل الدكتور محمود وصعد إلى

غرفة طارق وملك حيث يتواجد طارق&

د.محمود:كويس أن حضرتك عملتى

كمادات..ممکن بقى تتفضلوا أنتم عشان

أظهر الجرح

ملك:لا أنا مش ماشيه

د.محمود:حضرتك مدام ملك؟

ملك:ايوا ولو سمحت يا دكتور أنا مش هطلع

فياريت متضيعش وقتك

د.محمود:زي ما تحبي..تقدروا تفضلوا أنتم

#بعد خروج الجميع

&كان الطبيب يطهر جرح طارق ورغم فقدان
طارق للوعى إلا أنه كان يشعر بألم أما عن
ملك فكانت لأول مرة ترى ذلك المنظر&

د.محمود:تمام أنا كده خلصت

ملك:اووف الحمد لله

د.محمود:هطلب من حضرتك العلاج دا
وكمان بدل ماتتعبى في تغيير الكمادات
تقدرى تجيبي كمادات طبيه من الصيدليه

ملك:تمام تمام..شكرا بجد لحضرتك

&ثم فتح طارق عينيه&

طارق:ايه اللي حصل؟

د.محمود:ألف سلامه عليك يا بشمهندس

طارق:الله يسلمك..بس أنا حصل لي ايه؟

د.محمود:أغمی عليك بسبب اصابه في

دراعتك نتیجه لرصاصه

طارق:أمال أنا أغمی عليا ليه طالما في

دراعی؟

د.محمود:عشان درجة حرارتك زادت بس

الحمد لله مدام ملك كانت بتعمل لك

كمادات

طارق:ملك!!

ملك:طب أنا هروح بقى أنادی على حد يروح

يجيب الدواء

د.محمود:ألف حمد لله على سلامتك مرة

تانيه..عن إذتك

#بعد نزول ملك والطبيب

#في مكان آخر#

رجل ١: يعني ايه؟

رجل ٢: اتظمن يا فندم محصولش حاجه دي

جات في دراعه

رجل ١: لازم تصحوا لكل حاجه..أنا مش عاوز

محضر وسين وجيم

رجل ٢: تحت أمرك يا فندم

رجل ١: ألا مرات طارق اسمها ايه؟

رجل ٢: تقريبا اسمها ملك يا فندم

رجل ١: مفيش حاجه اسمها تقريبا بكرة

الصبح الأقي كل حاجه تخصها عندي

رجل ٢: تحت أمرك يا فندم..عن إذنك

رجل ١ لنفسه:أما نشوف يابشمهندس
شكلى كدا همسكك من ايدك اللي
بتوجعك

#في فيلا عمر الدين

&في صباح اليوم التالى زار شريف طارق&

شريف:هستأذن أنا بقى يا بشمهندس

طارق:إذذك معاك..شريف قولى الفكره لسه

شغاله مش كدا؟

شريف:ايوا يا فندم

طارق:طب أنا عاوز ملف بالتفصيل لكل

مدراء الفروع

شريف:تمام يا فندم هتكون كل حاجه عند

حضرتك بكرا

طارق:شكرا تقدر تتفضل

شريف:عن إذذك

#بعد رحيل شريف دخلت ملك

ملك بمرح:يلا!!

طارق:يلا ايه؟

ملك:اخلع التيشيرت

طارق:نعم ياختي!!

ملك:عشان نغير على الجرح

طارق:آه طب ماتقولى كدا من الأول

ملك:دايما ظالمنى

#بعد تغيير ملك على الجرح

ملك:خلصناا

طارق:تسلمي..يلا بقى لبسيني التيشيرت

ملك:يووووه هفضل أخلعك وأبسك زي

العيال بقى

#بعد إرتداء طارق للتيشيرت

طارق:أمال ماما وريم فين؟مشفتهومش غير

مره تقريبا الصبح

ملك:راحوا المستشفى يشوفوا حالة أحمد

إيه..وراحوا يشتروا حجات للمطبخ

طارق:حجات للمطبخ؟بس هما على طول

بيخلوا عمي حسن يجيب لهم الحجات دي

ملك:لا أصل في عزومه

طارق رافعاً حاجبه:عزومة؟عزومة ايه؟

ملك:تقريباً خالتك اسمها دينا على ما أتذكر

جايه هيا وخالتك سلوى وعمك يوسف

وعمك عبد الرحمن وعمك بهاء

طارق:بسم الله ماشاء الله ودول جاين

لوحدهم ولا الأسره كامله

ملك:تقريباً الأسره كامله

طارق:وسبب العزومه ايه؟

ملك:هيا مش عزومه اصلاً دول جاين

يشوفوك

طارق:يشفوني!!

ملك:yes

طارق:ودول هيشرفونا امنا؟

ملك:على بالليل كدا تقريباً..التنظيف في

أوض الضيوف شغال حتى

طارق:طب ربنا يسترها

ملك:على ايه؟

طارق:لا ولايهمك

ملك رافعة كتفيها:أوك

#بعد عودة ريم وهند

ريم:ملك يا ملك

ملك:ايوا نازله..أنا نازله أنا عاوز حاجه؟

طارق:سلامتك

#بعد نزول ملك

ملك:أيوا في ايه ياريم؟

ريم:هنطبخ يا حبيبتى

ملك:طبخ ايه دلوقتي؟!ادا لسه الساعه ٣

هند:عشان الكميات كبيره يا بنتى

ملك:آه تمام..هوا ليه ياماما انتم بتجيبم

ناس تنصف ومش بتجيبوا حد يطبخ

هند:مبحبش حد يطبخ غير أهل البيت

ملك:آه تمام ..اه ماما كنت عاوزه أسأل

حضرتك سؤال

هند:قولى يا بنتي

ملك:هوا ليه كل العيله مش عايشه هنا في

نفس الفيلا

هند:عمر الله يرحمه كان بيحاول أنه يحقق

دا بس مش كل العيله حابه الموضوع دا

ملك:مش فاهمه

هند:هتفهمي بالليل يا ملك

ملك:ماشي

#عند الساعة ٧ مساءً

هند في الهاتف:يعني خلاص أتم قدامكم

ساعه..ماشي خلاص

#بعد إنهاء المكالمة

هند:وأدي كمان سلوى ودينا قدامهم ساعه

ريم:يعني عمي بهاء ويوسف وعبد الرحمن

جايين بعد نص ساعه

ملك:طب أنا هطلع أغير هدومي وأشوف

طارق على ماتكونوا جهزتوا

#بعد صعود ملك للغرفة

ملك:أنت لسه ماجهزتش؟

طارق:مش عارف أقفل زراير القميص

ملك:طب أوعى كدا أما أعملها

طارق:آه ملك انتى مروحتيش الكليه النهارده

صح؟

ملك:آه

طارق:طب ومحاضراتك؟!

ملك:كلمت سلمى وهيا جايه هيا وزياى بعد

شويه

طارق:آه ماشي

ملك:خلصنا كدا منك أنا أشوف أنا هلبس

أيه

&ذهبت ملك تبحث في خزانته عن شئ

لترتديه وكان طارق ممسكاً بهاتفه وكان بين

حين وحين ينظر إليها&

ملك:دا كويس جدا

طارق ينظر إليها:نعم!!إنتي هتلبسي دا؟+

+

ملك:كانت سلمى جيباهولى في عيد ميلادي

اللي فات ونفسها تشوفو عليا اوي

طارق:لا ملیش فیه..دا مش هیتلبس

ملك:یا طارق سلمی عاوزه تشوفو علیا

طارق:تبقى تشوفو بینک و بینها

ملك:یووہ..طب اختار لی بقی واحد غیره

طارق:طیب..امممم..متھیالی دا حلو

ملك:ماشی هجرب

#بعد قلیل

ملك:ها إيه رأيك؟+

+

+

ياريت كل اللي يقرأ البارت دا يدعي لفخر
العرب محمد صلاح إن ربنا يشفيه ♡

+

واصل قراءة الجزء التالي

الفصل الحادي عشر: "تعارف وغيره"

ملك:ها إيه رأيك؟

طارق:كويس

ملك باستنكار:كويس؟

&ثم سمعوا صوت هاتف ملك يرن&

ملك:دي سلمى أكيد وصلت عند باب الفيلا

هنزل أشوفها

طارق:ماشي وأنا نازل بعدك

#بعد نزول ملك للإستقبال

سلمى:ايه الحلاوه دي كلها يا ملك؟

ملك:بجد حلو؟

سلمى:تحفه يا بنتي

ملك:أمال طارق بيقولى كويس ليه وخلص

سلمى:طارق شكله إنسان جدي أوي

ملك:جبتي ورق المحاضرات؟

سلمى:ايوا اهو

ملك:ميرسي يا قلبي..أمال فين زياد؟

زياد:أنا جيت

ملك:أهلا وسهلا

سلمى:طب احنا ماشيين بقى

ملك:ليه يا بنتى طب اتعشوا معانا طيب

سلمى: انتى قولتى فى ضيوف جاين فبلاش
ياملك يلا سلام

& عندما كانت سلمى وزياد يهمون بالخروج
من الفيلا&

هند: اتتوا رايعين فين؟

سلمى: هنمشي بقى يا طنط

هند: لا والله ما انتوا ماشين

زياد: معلش ياطنط لازم نمشي

هند: لا والله لتتعشوا معانا

سلمى: بس ياطنط

هند: ما بسش ادخلوا اقعدوا بقى.. ملك هوا

طارق منزلش ليه؟

طارق: واهو أنا نزلت

سلمى:ألف سلامه عليك يا بشمهندس

طارق:الله يسلمك

زياد وهو يعانقه:الف سلامه عليك يا جوز

اختي

طارق:ههه الله يسلمك يارب

ريم:ماما الضيوف وصلوا

سلمى:شنطتى فيها الموبايل في العربيه

هروح أجيبها

ملك:متتأخرينش

&عندما كانت سلمى تتوجه إلى السيارة

اصطدمت بأحدهم&

سلمى:ايبييه دا؟

الشخص:مش تفتخي وانتي ماشيه

سلمى:أنا بردك؟!

الشخص:اوعى كدا مش ناقصك

سلمى لنفسها:دا ايه الناس دي

&عند دخول سلوى ودينا بدأ السلام&

هند:سلوى دينا دي ملك مرات طارق

سلوى:ازيك يا حبيبتي

ملك:الحمد لله

دينا باستنكار:اهلا وسهلا

ملك:اهلا

...:طارق ايه اللي حصلك دا؟دا أنا كان

هيغمى عليا لما عرفت

ريم لملك بصوت منخفض:دي رانيا بنت

خالة طارق دينا..كانت هتموت وتتجوزه

ملك:يا سلام

ريم:هتتعبي معانا النهارده

....:ألف سلامه عليك يا بشمهندس

طارق:وسيم (ابن سلوى) الله

يسلمك..أخبارك؟

وسيم:تمام الحمد لله

طارق:أمال فين بنتك ومراتك يا بني

وسيم:تعبانين شويه فسبتهم في البيت

طارق:ألف سلامه عليهم

وسيم:الله يسلمك

....:ألف سلامه على أخويا الصغير

طارق:الله يسلمك يا شيماء(أخت رانيا)

&انتهى السلام بينهم حتى دخلت عائلة
طارق وذهبت ملك لتقف بجوار طارق&

طارق:ملك دا عمى يوسف

ملك:ازيك يا انكل

يوسف:مشاء الله ايه الحلاوه دي..اخترت

عروسه حلوه اوي يا بني

^أوماً له طارق وصمت^

عبد الرحمن:الف سلامه عليك يا طارق يا

بني

طارق:الله يسلمك يا عمي

عبد الرحمن:دي ملك مش كدا؟

ملك:ايوا أنا

عبد الرحمن:يا مشاء الله..الف مبروك يا بنتي

ملك:الله يبارك في حضرتك يا اونكل

...الف سلامه عليك يا طارق

طارق على مفضل:الله يسلمك يا كريم(ابن

عبد الرحمن)

كريم:دي بقى ملك

طارق وهو يضغط على يديه:ايوا دي مدام

ملك

كريم وهو ينظر بنظرة اعجاب:الف مبروك

ملك:الله يبارك فيك

طارق:امال فين الدكتور بتاعنا؟

...:اهو انا جيت اهو

طارق:د.مازن(ابن يوسف) اهلا..امال فين

عمي بهاء

عبد الرحمن:جات له سفره لبرا واضطر
يسافر

&ثم تعارفوا جميعاً حتى أتت سلمى&
ملك وهي تميل على سلمى:كنتى فىن كل
دا؟

سلمى:الشنطه كانت واقعه فى العربيه

هند:دي سلمى أخت زياد

سلمى:اا اهلا وسهلا

سلمى تميل لملك:مين دا(مشيرة لمازن)

ملك:دا د.مازن ابن اونكل يوسف باين اوى

ان طارق بيحبه

سلمى:دا عيل رخم

ملك:وطي صوتك هتفضحننا

ريم:السفره جاهزه

#على سفره الطعام

رانيا:تاخذ كفته يا طارق؟انت بتحبها

ريم:ما هوا عشان بيحبها ملك هيا اللي

عملتها

طارق:ملك ممكن تجيبي لي كفته

&شعرت رانيا باحراج كبير&

ملك:طب كملوا انتم وانا هدخل المطبخ انا

وسلمى

سلمى:نعم يا ملك

ملك وهي تضربها على كتفها:قومى

#في المطبخ

سلمى:إيه؟قومتيني ليه؟

ملك:جهزي معايا القهوه

سلمى:وماك متضايقه كدا ليه؟

ملك وهي تستدير لها:من الزفته اللي برا

سلمى:رانيا صح؟

ملك:ايوا هيا دي بتحسنى انى ماليش

لازمه

سلمى:هيا بصراحه لابسه لبس اصلا انا

معرفش البسه وانا قاعده في البيت لوحدي

ملك:بطلى هزار بقا دلوقت..كملي انتي

القهوه وانا هطلع اشوف دوا طارق

#بعد إتيان ملك بدواء طارق

ملك:طارق يلا عشان الدوا وتغيير الجرح

رانيا:هاتي يا ملك دا شكله تقيل عليكى

ملك: لا يا حبيبتي مش تقيل..يلا يا طارق

#بعد أخذ طارق للعلاج

ملك: طب بعد إذنكم هاخذ طارق فوق

عشان أغير له على الجرح

رانيا لشيمااء: وفيها ايه يعني اما تعمل له

هنا؟

شيمااء: انتي عبيطه يا بنتي طلق لابس

قميص يعني هيقلعه وبعدين مش هتجبي

اصلا شكل الجرح

رانيا: كاشي يا ست الفهمانه

#بعد صعود ملك وطارق

يوسف: قولتي لي انتي في كلية ايه يا سلمى؟

سلمى: صيدله يا اونكل

يوسف: وانت يا زياد

زياد:أنا إدارة أعمال ياعمي

يوسف:ربنا يبارك لكم

#في غرفة ملك وطارق

ملك:بس كدا..خلصنا

طارق:يلا بقى رجعي لي القميص تاني

ملك:أنا برأبي لو تلبس تيشيرت هيبقى

أسهل

طارق:اي حاجه بس يلا

ملك:كستعجل على النزول اوي؟

طارق:يعني

ملك:امسك دا البسه

طارق:ما تخلصي بقى يا ملك

ملك:اخلص ايه يا طارق؟

طارق:انتى عارفه انى مقدرش البسه لوحدي

ملك:آه نسيت

&بعد ارتداء طارق التيشيرت نزلت ملك

غاضبه&

طارق لنفسه:هيا اتضايقت كدا ليه+

#بعد نزول طارق

^في حجرة الاستقبال^

كريم:انتى متأكده يا ملك انك فى جامعة

القاهرة؟

ملك:ايوا ليه؟

كريم وهو يخفض صوته:أصل مشوفتش

قمر فيها قبل كدا

سلمى وهي ترجع ملك للخلف على

المقعد:اوبال..دا الواد شكله وقع فيكي

ملك:عاوزه احدف فيه الجزمه

سلمى:لا اهدي كدا بلاش نلفت الانتباه

يوسف:على فكره يا سلمى مازن متخرج من

صيدله بردك وبيحضر ماجيستير

سلمى:أنا بردك يا اونكل ناويه لما أخلص

احضر ماجيستير بردك

يوسف:مازن ممكن يساعدك لو احتاجتي

مساعده..مش كظا بردك يا مازن؟

مازن:طبعاً يا بابا

ريم:اه كنت هنسى..رنا يا اونكل(عبد

الرحمن)في اولى ادارة أعمال اصل يعني

حضرتك كنت بتسأل عليها

عبد الرحمن:يااه والله وكبرت البت

دي..ياريت والله لو اشوفها

شيماء:بس حازم نام بسرعه اوي دا يدوب
اكل ونام

ريم:عشان المدرسه بتاعته

رانيا:أنا هطلع بقى أنام عسان شغلى

سلمى:وحضرتك بتشتغلى ايه يا آنسه رانيا

رانيا بفخر:أنا بشتغل في شركة بابي مديرة
ماليه..عن اذنكم بقى

ملك:اذنك معاك

كريم خافضاً صوته:ملك أنا على فكره في
سياسه واقتصاد معاكي في القاهره
والمسافه بينا مش قليله يعني

سلمى لملك:دي المره المليون اللي يقول
فيها انه في سياسه واقتصاد

ملك:احم..ماشي

كريم:بس بقى انا قربت اتخرج خلاص

ملك:مبروك

سلمى لملك:قومي معايا

#بعد صعودهم لأعلى

سلمى:انا مش متطمئه للواد دا

ملك:قاصدك كريم؟!

سلمى:ايوا بصته ليكي جريئة اوي..وطارق

واخذ باله وكان يببص عليكي من ساعتها

بس مش سامع الحوار

ملك:ربنا يسترها دا هيفضلوا يومين

سلمى:يعني رانيا والجماعه دول قاعدين

بردك

ملك:لا طنط سلوى ودينا هيمشوا لكن

اعمام طارق فاضلين

سلمى:طب خودي بالك من نفسك وحاوولى

تتجنبي كريم دا..انا ماشبه انا بقى

&عندما كانت سلمى تنزل الدرج اصطدمت

بمازن&

سلمى:يووووه انت تاني

مازن:انا فعلا اللي غلطت المره دي..أنا آسف

يا ستي وآسف كمان على طريقة كلامي

معاكي اول مره

سلمى:هاه لا ولايهمك..عن اذنك

مازن:اتفضلي

&بعد ذهاب سلمى وجد مازن ملك واقفة&

مازن: احم حضرتك هنا يا مدام ملك

ملك بضحكه:ايوا انا اصلا كنت واقفه مع

سلمى

مازن:طب يعني ممكن موضوع اعتذاري

منها يبقى سر

ملك:اكيد

طارق:واقفين كدا ليه؟

مازن:مفيش ياعم كنت رايح أنام فشفط

المدام واقفه..تصبحوا على خير

طارق:وانت من اهله

#بعد ذهاب مازن لغرفته

طارق:مش ناويه تنامي انتي كمان

ملك:هاه؟لا هنام

طارق:طب يلا

ملك:لحظه لحظه..احنا هنام في نفس

الاضه؟

طارق:لا انا هنام فوق السطوح..انتي اتعودتي
اني مبقاش في الاوضه خالص من نومي في
المكتب

ملك:لا عادي..اتفضل

#بعد دخولهما للغرفه

طارق:ملك ياريت تقللي كلامك مع كريم

ملك:ليه بتقول كدا؟

طارق:انا مسمعتش كنتوا بتتكلموا في
ايه..بس انا عارف كريم كويس وانتي عارفه
اني بقبقى صعب في المواضيع دي

ملك:ماشي خلاص يا طارق

ملك تحدث نفسها بصوت خافض:طب

الحمد لله انك مسمعتش

#في مكان آخر

مجهول ١: اضربوا فيلا يوسف

مجهول ٢: تمام يا فندم

دعواتكم لمحمد صلاح

+

واصل قراءة الجزء التالي

الفصل الثاني عشر: "تحذير"

#في صباح اليوم التالي

&نزل طارق للأسفل&

طارق: فين عمي يوسف

هند: انت مسمعتش باللي حصل ولا ايه

طارق: لا قرأت الخبر

ريم:مش مصدقه اللي بيحصل..دا كل أمن
الفيلا اتقتلوا..طب كويس بقى إن مرات
عمي يوسف(سعاد) مع مرات عمى عبد
الرحمن(سميه)في فيلتهم

طارق بصوت منخفض:خالاتي مشيوا؟

ريم:أه مشيوا من بدري ورانيا كانت هتموت
وتشوفك

طارق:ربنا يسهل..ملك فين؟

هند:ملك طلعت للجامعه من بدري

طارق:طب أنا هروح أغير هدومي عشان
أروح الشركه

#في جامعة ملك وتحديداً كليه الهندسه

&كانت ملك جالسه على أحد مقاعد

الكافيتيريا&

...تسمحي لي أقعد معاكي

ملك:ها..كريم!! اتفضل

كريم:شكرا..نحبي تشربي ايه

ملك:لا لا..انا شربت

كريم:ياستی أنا عازمك

ملك:لا مش عاوزه بجد

كريم:خلاص خلاص..طب أسألك سؤال

ملك:اتفضل

كريم:بتحبي البحر؟

ملك:اه بحبه جدا

كريم:يا بخته

ملك:نعم؟!..عن اذنك عندي محاضرات

كريم وهو يممسك بيدها ليمنعها من
الذهاب:استني انتي زعلتي ولا ايه

ملك وهي تنتزع يدها من يده:تاني مره لو
جربت تلمسنى هقطع ايدك

كريم:ياااه للدرجه دي..هخاف أنا منك يعني؟

ملك:انت مش مكسوف من نفسك؟! ادا انا
مرات ابن عمك

كريم:ااه طارق..معلش اصلي نسيت

ملك:بص بقى أنا..

...كريم

كريم:انت بتعمل ايه هنا؟

مازن:مش مهم..المهم ايه اللي انت بتعمله

دا اصلا؟..تعالى معايا

ملك:سلمى!!

سلمى: في ايه ياملك؟

ملك: سيبيك دلوقتي.. انتي كنتي جايه مع
مازن ليه؟

سلمى: هوا جه الجامعه النهارده عشان حاجه
تخص الماجيستير بتاعه فشافني وسلمنا
على بعض وانا اصلا كنت جايه لك فقالى
هووصلك

ملك بغمزته: يوصلك

سلمى: خلاص.. المهم ايه اللي حصل دا
ملك: تعالى أما أقولك على المصايب اللي
بتحصل لى +

عند الساعه ال٧ مساء في فيلا عمر الدين
& عاد طارق لتوه من العمل وصعد لغرفته
ولم يجد ملك ثم نزل للأسفل مره أخري &

طارق:حازم ماما فين

حازم:في المطبخ

طارق:ريم هيا ملك لسه مجتش

ريم:ملك اتصلت وقالت انها هتفضل عند

باباها النهارده

طارق:ومقالتيش ليه؟

ريم:تقريباً اتصلت بيك وكان موبايلك

مقفول..خلاص بقى يا طارق متكبرش

الموضوع

&ثم صعد طارق مره أخرى للغرفه وسمع&

مازن:انت متخلف يابنى..مش واخذ بالك من

اللي بتعمله ولا ايه

كريم:لا واخذ بالى كويس

مازن:يبقى فوق بقى على نفسك

كريم: خلاص بقى يا مازن.. بس اللي أنا عاوزه

هاخده

مازن: انت عاوز تفهمنى انك بتحبها يعني؟

كريم: لا مش حب ممكن يكون اعجاب

بشكلها وحلاوتها بس مش دا السبب

الاساسي للي أنا بعمله

مازن: عرفني بقى ع السبب

كريم: هلوي دراع طارق

مازن: لا انت اتجننت وانا غلطان اني اعتبرتك

اخويا يابن عمي وجيت انصحك.. انت عشت

طول عمرك بتغير من طارق وهتفضل

كدا.. بس احب أقولك ان لو طارق عرف

بالكلام دا او اللي حصل مع ملك مش

هيسيب فيك عضمه راكبه مع التانيه

& ثم سارع طارق ونزل للأسفل، &

طارق:عم يوسف انت جيت؟

يوسف بحزن:ايوا

طارق:متقلقش ياعمى كله يهون..والحمد لله

ان محدش كان في الفيلا

سعاد:مش هتسلم عليا ولا ايه يا طارق؟

طارق:ايه دا؟طنط سعاد!

مازن ينزل من على الدرج:ماما!!

هند:احنا اتكلمنا في الموضوع يابني..عمك

يوسف وعمك عبد الرحمن هيفضلوا معنا

هنا

طارق في نفسه:الله

كريم:هوا دا بقى الموضوع المهم اللي بابا

كان عاوزني فيه؟

& ما إن سمع طارق صوت كريم إلا وقبض

كفه&

طارق:طب أنا هروح أجيب ملك

كريم:ليه هيا فين؟

طارق:عن اذنكم

#عند وصول طارق لمنزل ملك

طارق:فين ملك يا زياد

زياد:ملك مين يا بابا...دي نسيت نفسها من

ساعة ما أدهم جه

طارق:أدهم؟

زياد:أدهم أخوها الكبير

&ثم ذهب إليهما طارق وسلم على أدهم&

طارق:يلا بقى يا ملك

ملك: لا أنا قايله أنى هفضل هنا

محمد: قومى يا ملك مع طارق

ملك: حاضر يا بابا

#في السيارة

طارق: ايه اللي حصل النهارده ياملك

ملك: ايه اللي حصل؟

طارق: مع كريم

ملك: وانت عرفت منين؟

طارق: انا قلت لك قبل كذا مباحش سؤالى

يترد بسؤال

ملك: ماشي هقولك....

#عند وصولهم للفيللا

طارق: كريم.. عاوزك في الجنينه

كريم:جاي وراك

#في الحديقه

كريم:في حاجه يا طارق؟

&لم يتحمل طارق وقام بإعطائه ضربة في وجهه أدت الى سقوط كريم أرضاً&+

كريم:في ايه يا طارق

طارق:بص هما جملتين..ابعد عن ملك يا إما وربي لتشوف الوش الثاني لطارق

&ثم رحل طارق&

مازن:طارق عاوزك

طارق:نعم يا مازن

مازن:أنا بصراحه عاوز أتجوز

طارق:ألف مبروك مقدا بس مين

مازن:سلمى بنت عم ملك

طارق:ماشي مفيش مشكله ناخذ عمى
ونروح

مازن:انا عاوز الموضوع يبقى بينا لغاية أما
اتكلم مع بابا

طارق:تمام..حاجه تانيه؟

مازن:لا تصلح على خير

طارق:وانت من أهله

&ثم تلقى طارق اتصالا هاتفياً&

طارق:إيهاب!!...ايوا امتى؟..ماشي تمام

+

واصل قراءة الجزء التالي

الفصل الثالث عشر: "اعتراف بحب كبير"

طارق: أنت متأكد يا إيهاب

إيهاب: أيوا يا طارق.. الرصاصه اللي أنت

أخذتها لما فحصناها طلعت نفس الرصاص

اللي رجالة GTS بيستخدموه

طارق: يعنى معزز جميل هو اللي بيهدد

إيهاب: أكيد مش لوحده.. يعني مثلا هو عرف

منين على طزل إنك هتكمل في المشروع

وبتدور ورا اللي قتل باباك

طارق: قصدك إن في حد في الشركه يعني؟

إيهاب: أكيد يا طارق في جاسوس.. فركز كدا

بقى وحاول تعرف

طارق: استنى كدا..أول واحد عرف بموضوع
إنى هدور وهكمل المشروع كان
شريف..وبعدين الرسالة وصلت لملك بفارق
مش كبير..تفتكر؟

إيهاب: كل شئ وارد يا طارق
طارق: طب أنا همشي أنا دلوقتي
إيهاب: ماشي

#بعد عودة طارق للفيلا

سميه: ازيك يا طارق يا حبيبي

طارق: الله يسلمك يا طنط...هوا وسيم مش
هبيجي؟

مازن: لا وسيم يابنى مستقر في بيت لوحده
اصلا

طارق: آه..طب عن اذنكم

#بعد صعود طارق للغرفة

طارق:انتى لسه صاحيه ليه؟

ملك:لا مفيش..كل اللي فى الموضوع ان فى واحد ايمه جوزي لسه مجاش والساعه بقت

١٢

طارق بمرح:ايه دا ايه دا؟دا فى تطور

ملك:بطل هزار بقى

طارق:هوا انتى بتقرأى ايه؟

ملك:دي مجلة لقيتها قدامى..وعجبنى

الخاتم بس

طارق:عجبك اوي يعنى؟

ملك:تصبح على خير

طارق:واتنى من أهله

#في مساء اليوم التالي

طارق:ما تخلص يا عم مازن

مازن:خلاص خلصت

طارق:العيله كلها جاهزة

مازن:أنا قلقان أوى يا طارق

طارق:هوا انت العروسه يابنى؟

مازن:مش وقت هزار يلا

#بعد وصولهم لمنزل محمد سليم

محمد:أنا موافق..بس بردك نشوف رأيها

ورأي زياد

زياد:والله انا معنديش أي مانع

محمد:ها يا سلمى

سلمى بخجل:اللي تشوفه حضرتك يا انكل

محمد:على خيرة الله

يوسف:يناسبك امتى تلبيس الشبكه

محمد:اللي تحبوه

مازن:ينفع يوم التلات اللى جاي؟

محمد:مفيش مانع

طارق:عمى هيا ملك فين؟

دعاء:ملك المفروض يعني بتجهز عصير

طارق:طب أنا هروح أشوفها

#في المطبخ

ملك تحدث نفسها:الله يخربيت الورطه اللي

حطوني فيها..اوووف..طب لو وقع مني بقى

هعمل ايه؟

طارق بضحكه:بتكلمى نفسك كدا على طول

&التفت ملك&

ملك:طارق؟!

طارق:تقريبا

ملك:انت دخلت هنا من امتى

طارق:من شويه كدا..بس ايه الحلاوه دي+

+

ملك:بجد حلو؟

طارق:بس معدتيش تلبسيه تاني

ملك:ليه يعني ما انت قلت حلو

طارق:يا ستى أنا طماع وأنااني وأنا عاوز بس

اللي أشوفه

ملك:أكيد كنت مرتاح مني النهارده..ما أنا

مش في البيت من الصبح

طارق:ومين اللي قالك كدا؟

ملك:أنا عارفه

أدهم:ما تخلصوا بقى يا عصافير الحب أنتم

ملك:معلش يا أدهم نسيت العصير

أدهم:ايه يا بشمهندس ماتلم الدور شويه

بقى

طارق بضحكه:ولا تزعل يا عم خلاص

#في غرفة الاستقبال

كريم:عن اذنكم جايلي تليفون مهم

محمد:اتفضل يا بني

&عندما كان كريم يخرج من الغرفه تصادم

مع ملك وطارق ولكنه مر واكتفى بنظراته

لملك&

طارق:الصبر يارب

ملك:نهدي يا طارق شويه بليز

طارق:هوا انا عملت حاجه

&كان طارق يقف بجوار ملك وكان يراقب

مزاحها وضحكها فمال إليها&

طارق:وحشتيني

ملك:هاه؟

يوسف:ومجبتش مراتك معاك ليه يا أدهم

أدهم:شهد بنتى عندها مدرسه يا عمي

يوسف:ربنا يبارك لك..وانت قاعد لمدة قد

ايه

أدهم:قدامى شهر كدا

يوسف:طب نستأذن احنا بقى

حسام:ملك تعالى ثانيه

ملك:نعم يا حسام

حسام:الواد اللي اسمه كريم دا تعرفي أنه

بيضرب؟

ملك بشهقه:مخدرات؟

حسام:ايوا أنا سمعته..لما طلع يتكلم في

الموبايل وأنا كنت بركن العربيه

ملك:يا نهار اسود

حسام:أنا حبيت أقولك عشان تحاسبي منه

لان بصته ليكي مش كويسه خالص

طارق:مش يلا بقى يا ملك

ملك:جايه يا طارق..طب يلام بقى دلوقتي

#في سيارة طارق

طارق:كنتي واقفه مع حسام ولونك كان

مخطوف ليه كدا

ملك:لا أصل في مشاكل بينه وبين دعاء

فبيقولى

طارق:ياااه دا مفكرك عاقله بقى

ملك:مش هرد عليك

#بعد وصولهم للمنزل وصعد كل منهم

لغرفته

طارق:ملك غمضي عنيكى

ملك:انت سخن يا طارق ولا ايه

طارق:غمضي بس

ملك:طيب اهو

طارق:فتحى

ملك:لا مش مصدقه

طارق:مش دا الخاتم اللي عجبك

ملك:ايوا هوا+

+

طارق:جبتة لك النهارده يا ستي

ملك:ميرسي اوي يا طارق

طارق:لا ميرسي ايه..أنا عاوز هديه

ملك:طب اطلب أي حاجه وأنا أنفذها لك

طارق:بصي أنا عاوز حاجه معنويه مش

ماديه بس ايه مش عارف

ملك بخجل:طب وطي

طارق:اوطي؟

ملك:نزل دماغك شويه يعني

طارق:اهو

&ثم همست له ملك بما تريد وكانت على
وشك الذهب من أمامه&

طارق وهو يجذبها:مش عاوزه تسمعي ردي؟

ملك:طب سبني طيب

طارق:لا..بس هقولك وأنا كمان يا ملك مش
بس بحبك أنا بحب كل تفاصيلك وبحبك
بكل حالاتك..من أول مره شفتك فيها وأنا
سرحت فيكي وحببتك وكنت عارف إني
بحبك بس حاولت أتغلب على دا
ومقدرتش..ويوم جوازنا أنا مكنتش متخيل
إني هبقى مبسوط كدا..كنت دايم بحس إنك
وطنى وانتي جمبي..والنهارده لما انتي
مكنتيش موجوده حواليا حسيت بفراغ كبير
اوي..وحشتيني بكل معنى الكلمه

ملك بفرحه:بجد؟

طارق:أيوا

&ثم عانقته ملك وسكتت شهرزاد عن الكلام

الغير مباح أخيرا&+

واصل قراءة الجزء التالي

الفصل الرابع عشر:"ماقبل النهاية"

#في صباح اليوم التالي

&نزل طارق للأسفل&

طارق:ملك..ملك

ملك وهي خارجه من المطبخ:أيوا يا طارق

في ايه؟

طارق:فين ماما وريم وحازم؟

ملك: ما انت اللي صةخي متأخر..أحمد

صحى يا طارق

طارق:صحى!!ومقولتليش ليه؟

ملك:آه صح..دا أنا كنت عماله أصحي فيك

كنت هتيمني انا كمان

طارق:طب فين بقية الجماعه؟

ملك:معاهم..أه من الحق كريم ابن عمك

سافر برا لشغل..لأنه هيتدرب فتره قبل

التخرج

طارق:بالسلامه..هتيجي معايا؟

ملك:لا سلمى هتيجي نحضر الغدا

طارق:ماشى

&بعد مرور ثلاثة أشهر. تزوج مازن وسلمى&

ملك:طارق!!شريف طالب يقابلك

طارق:شريف؟؟طب خليه يدخل

#بعد دخول شريف

طارق:تعالى يا شريف

شريف:ا ازيك يا فندم

طارق:مش كانت أجازتك ٥ شهور

شريف:مهوا انا جيت عشان خلاص الفكره

قربت تتنفذ يا فندم

طارق:يعني هتعمل ايه بردك؟!

شريف:اكيد لازم اكون موجود يا فندم دا أنا

المساعد الأيمن لرئيس الشركه

طارق:دا ابلي هوا انا مش كدا؟

شريف:ايوا سعادتك

طارق:معلوماتك غلط شوويه

شريف:ايه الغلط يا فندم؟

طارق:احمد ربنا قومو بالسلامه وبقى كويس

شريف:الف سلامه عليه

طارق:دا على اساس انك متعرفش؟

شريف:هعرف منين يا فندم

طارق:شريف مبحبش شغل اللف والدوران

دا اخلص اسمه ايه؟

شريف:هوا مين سعادتك

طارق:اللي انت شغال معاه

شريف:حضرتك يا فندم

طارق وهو يضرب المكتب

بيديه:متعصبنيش بقى

شريف:يا فندم مفيش حاجه صدقني

طارق:خلاص ولا يهملك انت هتترقد وابقى
قابلني ان اشتغلت تآني اما بقى اللي انت
شغال معاه في اول وقعه هيرميك

شريف:ح حاضر يا فندم هقولك على كل
حاجه

طارق:كدا تعجبني

شريف:اسمه خالد صادق العمري..رجل
أعمال متخصص في الدواير والآلات..كتن
دايكا علاقته صراع بوالد حضرتك..عشان كدا
دخلني في الشركه معاكم

طارق:هوا اللي قتل ابويا؟

شريف:م مع الاسف سعادتك بس والله
العظيم ما كنت أعرف

طارق:طيب...انت هتسيب الشغل عندي
ومكافئتك بتاع إنهاء الخدمه هتاخودها
اضعاف..بس هتساعدني

شريف:ازاي حضرتك؟

طارق:مش خالد صادق العمري دا اللي
متهم بتسويق المخدرات في البلد

شريف:ايوا يا فندم

طارق:حلو اوي..اهو انت بقى تحاول تعرف
لنا الشحنة الجايه امتى

شريف:بس سعادتك دا انا ممكن رقابتي
تروح فيها لو خالد العمري عرف

طارق:يا عم اضمني انت وملكش دعوه..ولو
نجحت في المهمه دي ممكن أفكر اني
اسيبك عندي في الشغل

شريف:حاضر يا فندم..عن اذنك +

#بعد رحيل شريف ودخول ملك

ملك:في ايه يا طارق سمعتك بتزعق

طارق مبتسما:ولا يهملك يا عمري..دا شغل

كدا

ملك:يا سلام متأكد؟

طارق:لا بس وحشتيني

ملك:طب يلا عشان العشا جاهز

طارق:أحمد نزل

ملك:ايوا كله تحت..اه طارق عاوزاك بكرا

معايا

طارق:ما انا معاك يا عمري على طول

ملك:لا قصدي هنخرج..ومش عاوزه أي

تبريرات

طارق ضاحكاً:حاضر يا ملك عمري

#في اليوم التالي..في مدينة الملاهي

ملك:طارق أنا عاوزه أركب دي

طارق:حاضر يا ملك تعالى يلا

#في مكان آخر

خالد العمري:يعني هوا دلوقتي في مدينة

الملاهي

المساعد:ايوا يا فندم تؤمر بحاجه؟

خالد:طبعاً دا انا وعدت نفسي اني امسكه

من ايده اللي بتوجهه النهارده بالليل دا

يتنفذ اما بقى الكلب شريف فسيبه مربوط

كدا عشان يبقى يفكر بيعني

المساعد:تمام يا فندم

#في المساء

طارق:هيا الفيلا ضلمه كدا ليه

ملك:طب شغل النور كدا

&عندما أضاء طارق الأنوار رأى عائلته

مجتمعه محتفله بعيد ميلاده&

ملك:كل سنه وانت طيب يا حبيبي

طارق يعانقها:وانتى طيبه يا عمري

&عند انتهاء التهاني وتقديم الهدايا&

سلمى:يلا يا ملك هديتك

ملك:حاضر..أفضل يا طارق العلبه دي

افتحها

&وعندما فتحها طارق وجد بها ورقة..&

طارق:انتي حامل يا ملك!؟

ملك:ايوا يا طارق من شهدين

&فعانقها طارق..وبعد انتهاء الحفل وصعود

الجميع لغرفهم&

ملك:طارق..نسيت شنطتي تحت..هنزل

اجيبها

طارق:مابلاش حرکه كثيره يا ملك انتي حامل

ملك:لا لا مفيش مشاكل الدكتور اصلا قالي

اني لازم امشي

طارق:ماشى يا ملك اللي تشوفيه

#بعد نزول ملك للأسفل+

حسن:مدام ملك في واحد عاوز يقابل

حضرتك برا

ملك:حاضر جايه

#بعد خروج ملك

الرجل(يرتدي كاب على رأسه):انتي مدام
ملك

ملك:ايوا انا حضرتك مين

الرجل:طب انا جايب لحضرتك حاجه مهمه

ملك:ايه هيا

الرجل:اتفضلي

ملك:ايه الصندوق دا؟

&بمجرد ان اخذت ملك الصندوق إلا
وسحبها الرجل رهينة معه وجاءت السيارات
التابعه للرجل&

الرجل:اللي هيفكر يقرب اعتبروها متصفيه

&واخذوها رهينع إلى مالا تعلم&

سوري على التأخير...الفصل القلدم هو
الأخير..هيكون قصير شويه

+

واصل قراءة الجزء التالي

الفصل الخامس عشر والأخير:"النهاية"

طارق:يعني انتوا واقفين نايمين على
نفسكوا؟

أحد رجال الأمن:أسفين يا طارق بيه

طارق:هعمل ايه أنا بالأعذار

أحمد:طول بالك يا طارق

ريم:أنا خايفه عليها اوي..دي حامل

يوسف:ربنا يسترها

&في هذه الأثناء رن هاتف طارق&

طارق:ألو؟..ايوا يا إيهاب..متأكد؟! ماشي..لا لا

هاجي طبعاً

هند:طمنا يا بني

طارق:عرفوا مكانهم..ملك طلعت مشغلا

الGPS بتاع الموبايل

سلمى:الحمد لله يارب

أحمد:وانا رايح فين؟

طارق:هروح مع إيهاب وفي دوريه هتيجي

ورانا

أحمد:أنا جاي معاك

طارق:لا هروح لوحدي..سلام

أحمد: طارق يا طارق..مشي من غير
مايسمعني ازاي

مازن: الحمد لله أنه أخذ السلاح معاه

#في سيارة طارق وإيهاب

طارق: احنا ما بندخلش ليه؟

إيهاب: مستنيين الدوريه

طارق: طب استناها انت

إيهاب: استنى يا مجنون هاجي معاك+

&وبالفعل اكتسح طارق وإيهاب ذاك
المصنع المهجور وكان غيظ طارق كافياً أن
يجعله يستخدم سلاحه في تلك
المعركة..ولكنه كان يحاول ألا يزهق أي روح
فهو قد أتى ليخاص زوجته من الأسر لا
ليدخل أحداً في أسر الموت،&+

#بعد وصول طارق للغرفة

طارق وهو يقك وثاق ملك:انتي كويسه؟

ملك:انت دخلت ازاي لوحك

طارق:ايهاب معايا والدوريه وصلت أهى..اهلا

استاذ شريف..وأنا أقول موبايلك مقفول ليه

أتاريك محجوز..قوم يلا

&ثم خرجوا بسلام..وأعترف الرجال على

قائدهم خالد صادق العمري...ولم يجد خالد

مفر من الإنكار فقد خسر كل شئ..واعترف

أنه قتل عمر الدين وشرع في قتل أحمد عمر

الدين..واعترف باختطافه لملك..هذا غير

تجارة المخدرات...فحكم عليه بالإعدام

شنقاً..أما شريف فلم يشأ طارق أن يدخله

السجن ولا شقيقه أحمد..ولكنهم عينوه

كمدير حسابات&+

#بعد مرور ثلاث سنوات+

ملك:عمر!!تعالى هنا

عمر مصطدماً بطارق:لااا

طارق:براحه..في ايه؟

ملك:ابنك مش راضي ياكل

طارق:طب تاكل مع باي؟

عمر:لا

طارق:دا إيه اللماضه دي..شكلها وراثه

ملك:قصدك ايه يعني؟

طارق معانقا ملك:انت حبيبي انت

عمر يدفع قدم طارق:ابعت عن مامي..مامي

لياا

طارق:نعم ياروح مامي انت

ملك تحمل عمر: طارق أفاظك..وبعدين بطل

غيره

طارق: خلاص خلاص..أمال فين باقي أهل

البيت

ملك:أحمد أخذ ريم وحازم خرجوا..ومازن أخذ

سلمى و ألاء بنتهم وخرجوا..وطبعا ماما عند

اقتها في البحيره..واعمامك مسافرين عند

عمو بهاء

طارق وهو يغمز:يعني احنا هنا لوحدنا في

الفيلا الكبيره دي

ملك وهي تدفعه في كتفه:الولد+

طارق:الولد دا عيون بابي..تعالى لي بقى

ياحبيبي ناكل سوا

عمر:انا جيت عند بابي

طارق:يلا نروح ناكل بقى

#بعد تقدم طارق للأمام وهو يحمل عمر+

ملك في نفسها:مكنتش أتخيل إني لما أتجوز
طارق هبقى مبسوطه كدا..كنت مفكرا الجواز
مسئولية وهموم..طلع أحسن حاجه في الدنيا
هيا تكوين الأسره..واللي خلاني مبسوطه أكثر
إن يبقى في حاجه من طارق وهو عمر..أنا
بجد بشكر بابا وعمو عمر الله يرحمه إنهم
كانوا السبب في سعادتى دلوقتى..دايماً ربنا
بيبقى كاتب لنا الخير في الحاجه اللي مش
بنحبها وبتبقى دي السعادة اللي ربنا
بيوعدنا بيها....

● طارق:ملك!!انتى واقفه ليه كدا يلا تعالى

● ملك:حاضر جايه+

طارق وهو يراقب ملك تحضر الطعام في
نفسه يقول: في حياتي ما كنت أتخيل إني
هبقى زوج وأب.. أنا لسه فاكر لحد دلوقتي
إني كنت بوعد نفسي اطلق ملك بعد ثلاث
أيام من جوازنا بس ربنا دايمًا له حكمه في
كل حاجة.. له حكمه إني أجي من برا وأقعد
وسط أهلي.. وأجمل هديه أخذتها في حياتي
هيا ملك اللي دايمًا سنداني.. ومفيش هديه
أجمل من إيني.. ربنا يخليكو ليا دايمًا

تمت